

TAZAMA

Ndugu Jimmy. Na habari za asubuhi, marafiki. Ni...
Nina furaha sana kuwa hapa Phoenix tena asubuhi ya leo, nikifurahia wakati huu mzuri wa ushirika. Natamani ningaliketi tu kwa muda mrefu, nikisikiliza nyimbo hizi tamu, na kumwona kijana Jimmy kweli akizama katika wimbo huo. Hum! Hakuna cha kujifanya kumhusu mvulana huyo, sivyo?

2 Naye Ndugu Outlaw alikuwa akiniambia asubuhi ya leo ya kwamba huyu ni mama yake wa thamani anayeketi hapa karibu na mlango, mwenye umri wa miaka themanini na moja. Mungu akubariki, dada. Nadhani miaka mingi iliyopita ulipompembeza maskini mtoto huyo mchanga mikononi mwako, nayo mikono hiyo midogo ikapapasa mashavu yako, hukuwazia ungekuwa umeketi hapa, umri wa miaka themanini, ukimsikiliza katika kanisa lake, labda, wakati huo. Uliamini hilo wakati huo? Hilo ni zuri sana, zuri sana. Nina furaha sana. Mungu na akupe... Vema, siwezi kusema miaka mingi, kwa sababu wewe ni—wewe ni, kwa ndani, kiumbe cha Milele. Unaona? Kwa hiyo kamwe hukuwa na mwanzo, kwa hiyo huwezi kuwa na mwisho, kwa hiyo unao tu Uzima wa Milele. Hilo ni zuri sana.

3 Ndugu Dyson, sijakuwa na majaliwa ya kukutana naye bado, bali ataendeleza ibada hii kote katika juma lijalo, kuanzia usiku wa leo, hapa kanisani. Na mimi... Hakika ninatumaini ya kwamba kuna mafanikio makubwa hapa kwenye uamsho huu. Laiti ningaliweza tu kuketi hapa nyuma mahali fulani na kunyonya tu mambo mazuri ya Mungu, wakati ndugu yetu akihubiri. Ninaskia yeye ni mwana wa mmishenari kutoka Yerusalem. Na kwa hiyo nina hakika mtaifurahia huduma hii juma hili, ya ndugu yetu. Kama yote yanawezekana, hudhurieni, msikilizeni, muungeni mkono. Na wale wasioweza kuja, nanyi mko mbali na nyumbani, nje ya mji, hamwezi kurudi, fanyeni kama vile nitakavyofanya, ombeni kwa ajili yake, na mwombee ufanisi wa ibada.

4 Ninakumbuka mara ya kwanza katika Phoenix. Ilikuwa ni kanisa hili, ila tu ilikuwa mahali tofauti. Ilikuwa ni kanisa hili, bali paa tofauti tuliloabudia chini yake, na ule ushirika mkuu tuliokuwa nao pamoja na Ndugu Outlaw. Ninayo santuri iliyoengenezwa katika mkutano huo. Na sikuzote inaninii... Wakati kwa namna fulani ninapoanza kujisikia kusononeka kidogo, mimi huenda nikaicheza santuri hii, nayo karibu imekwaruzwa yote. Huenda ikawa, labda, mtu aliyeirekodi, yupo hapa asubuhi ya leo; santuri ndogo nyekundu, yenyе kunyumbulika. Halafu basi, hakika, nina nyingi za santuri za baadaye za kwaya hii changa hapa, ambao walikuwa ni watoto wadogo wakati huo, wakiimba. Tunapata mengi kutoka kwake.

⁵ Tulipozisikia nyimbo hizi tamu, nilimwambia Ndugu Outlaw, “Nina furaha zinanaswa, kwa kuwa ninapenda kuzizingatia hizo. Ninapenda kuzisikia nyimbo hizo na kucheza kanda, kuzisikiliza hizo nyimbo wakati unapoweza kuketi chini.”

⁶ Hakuna kitu kama muziki. Mwajua, Mungu huponya kwa muziki. Mlijua hilo? A-ha. Mungu huponya kwa muziki.

⁷ Mungu huponya kwa upendo. Mnaona? Mungu huponya kwa dawa. Mungu huponya kwa maombi. Mungu ana njia nyingi za kuponya. Inategemea ni wa aina gani ambao unahitaji.

⁸ Wakati mwininge upendo kidogo, ukinyoshwa, utaponya tu maskini kidonda, maskini mahali fulani ambapo pamekuwapo kinyongo ama kitu kingine. Utapaponya mara moja, upendo kidogo tu, kujali kidogo tu.

⁹ Wakati mwininge unapojisikia umesononeka, na, kama tunavyoliita, msemo wa mtaani, katika hali ya majonzi, unaona, weka tu moja ya hizo kanda, muziki huo ama santuri, kisha uanze kuicheza. Muda si muda wajua, unautikisa mguu wako, ama mkono wako, na yote yamekwisha basi. Mara moja umeamka na uko tayari kwenda tena.

¹⁰ Sasa, Jumbe hizi za saa sita, hizo si za aina ya kiinjilisti, hizo ni wakati nikiwa nyumbani na—na kwa namna fulani tu... Kila mtu anajua jinsi ya kunichukulia kule, kwa namna fulani nachosha kwa maneno mengi. Na watu wengi wanaweza kusema mengi katika dakika tano, mnaona, kuliko ninayoweza kusema katika saa hizo sita. Kwa hiyo, inategemea unasema nini.

¹¹ Sasa, ninaamini, asubuhi ya leo, ninao waraka mdogo hapa, ambao dada fulani hapa anayetaka mtoto wake mchanga awekwe wakfu kwa Bwana. Nami nilimwambia Ndugu Outlaw, “Kumbe huwabatizi watoto wachanga?”

Akasema, “La.” La, ye ye ananinii tu... Anawaweka wakfu kama Maandiko yanavyosema wawekwe wakfu.

¹² Kwa hiyo na—nafikiri, kwenye wakati huu, ikiwa dada huyu aliye na mtoto huyu mdogo wa kuletwa huku, atamleta huku. Na sisi—sisi tunaamini hili, kwamba ni fundisho la Biblia. Na kujaribu kuyafuati Maandiko na utaratibu ambao Bwana Yesu alituachia, kwa uangalifu tu kama tujuavyo kufanya, ni kuyafuati jinsi Yeye alivyolifanya. Wala hatupati mahali popote katika Biblia ambapo aliwabatiza ama hata kuwaagiza wabatizwe. Yeye—Yeye alininii tu... Wao walisema, “Wakawaleta watoto wadogo Kwake, apate kuwabariki. Nayé akaweka mikono Yake juu yao na kusema, ‘Waachení wototo wadogo waje Kwangu, wala msiwazue, kwa maana walio kama hao Ufalme wa Mungu ni wao.’”

¹³ Kwa hiyo ikiwa mpiga kinanda ama mpiga piano akipenda, atatupa baadhi ya muziki huo mtamu, kidogo polepole,

"Waleteni ndani, waleteni ndani, waleteni ndani kutoka maeneo ya dhambi." Ninaamini mnaufahamu.

¹⁴ Jina la jamaa huyu mdogo ni nani? [Mama anasema, "Ni msichana mdogo. Ni Rebekah."—Mh.] Rebekah. Jina la mwisho? ["Hammer."] Hammer. Huyu ni Ndugu na Dada Hammer. ["Naam."] Mungu awabariki. Huyu ndiye pekee miliye naye? ["Msichana wetu wa nne."] Msichana wa nne. Unapaswa kuwa mwinjilisti. Filipo alikuwa na binti wanne, mwajua. ["Hiyo ni kweli."] Nao wote walikuwa ni manabii wanawake. [Baba anasema, "Mimi si mhudumu."] Huenda usiwe, bali ninatumaini ya kwamba Mungu atakupa manabii wa kike wanne kutokana na binti hawa, hata hivyo, Ndugu Hammer.

¹⁵ Anapendeza sana. Anapiga miayo sasa. Mnapaswa kuliona. Ninawapenda. Ila sikuzote ninahofia ninapowachukua, kuwaweka wakfu, sikuzote ninahofia nitawavunja. Mwajua, wao kidogo ni... Na—najisikia kiajabu sana, ninapowachukua. Naye mke wangu daima alisema, "Huwezi kuwavunja." Kwa hiyo, bali wanaonekana wa kupendeza sana. Wanaonekana kana kwamba inakubidi tu kuwashughulikia. Kwa hiyo nitajaribu kumshika, kama ni sawa.

¹⁶ Sasa, hili ni jukumu mke wangu angependa. Huyo si ni maskini mwanasesere? Maskini Rebekah Hammer, u hali gani? Hilo ni sawa. Tunashukuru kwa ajili ya jambo hili, jinsi ambavyo Mungu ameupa muungano huu mtoto huyu wa kupendeza. Hana budi kutoka kwa Mungu pekee. Hakuna mtu anayeweza kutoa uhai ila Mungu.

Na tuinamishe vichwa vyetu sasa.

¹⁷ Baba yetu wa Mbinguni, tunakuletea asubuhi ya leo, bonge hili dogo la upendo ambalo limewekwa katika nyumba hii, na mkono Wako mkuu. Jinsi ambavyo mama, miezi hii, amembeba chini ya moyo wake, akitamani kuona jinsi angeonekana wakati alipowasili. Naye huyu hapa asubuhi ya leo, msichana huyu mdogo wa kupendeza. Naye amempa jina la Biblia. Na sasa anakuja kwenye madhabahu ya Mungu, yeye na mume wake, kumweka wakfu, kumrejesha kwa Mungu aliywewapa. Yabariki makazi yao, Baba, tunaomba. Ibariki familia yao. Mbariki huyu Rebekah mdogo.

¹⁸ Katika Biblia, tunaona ya kwamba watu walikuletea watoto wadogo, upate kuweka mikono Yako juu yao na kuwabariki. Basi kama ulikuwa tu hapa katika mwili unaoonekana asubuhi ya leo, mbona, mzazi huyu angemleta huyu Rebekah mdogo Kwako. Tunatambua, Bwana, ya kwamba mikono yetu ni kibadala duni sana kwa ajili ya huduma hii kuu, bali Wewe umetuagiza kufanya hivyo. Kwa hiyo, Bwana, ninakukabidhi Wewe mtoto Rebekah, katika Jina la Yesu Kristo, katika kuwekwa wakfu. Naomba uyachukue maskini maisha yake na kuyatumia, Bwana,

kwa ajili ya utukufu Wako. Nasi tutakusifu kwa ajili yake, katika Jina la Yesu. Amina.

¹⁹ Mungu awabariki. Bwana na ajalie, mtoto mchanga ataishi, awe mwanamke mzuri na mtumishi mkuu wa Kristo kwa ajili ya kesho, iwapo kuna kesho. Mungu awabariki nyote wawili, vizuri sana.

²⁰ Loo, jamaa hao wadogo. Ni huko kutokuwa na hatia. Mara nyingi nimewazia jinsi mtoto asivyo na hatia. Na hata hivyo, laiti tungalikuwa wasio na hatia kama mmoja wa watoto hao... Lakini, tunakuta kwamba, sisi ni wasio na hatia zaidi, wakati Damu ya Yesu Kristo imetuosha na dhambi zote.

²¹ Sasa hebu tuyageukie Maandiko. Kwenu ninyi mnaopenda kuyasoma Maandiko, hebu na tufungue kitabu cha Waebrania, mlango wa 9, kwa ajili ya Maneno machache. Hebu tuanzie kwenye kifungu cha 24 cha mlango wa 9.

Kwa sababu Kristo hakuingia katika mahali patakatifu palipofanyika kwa mikono, ndio mfano wa patakatifu halisi; bali aliingia mbinguni hasa, aonekane sasa usoni mwa Mungu kwa ajili yetu;

bali si kwamba ajitoe mara nyingi kama vile yule kuhani mkuu alivyoingia katika patakatifu kila mwaka kwa damu isiyo yake;

kama ni hivyo, ingalimpasa kuteswa mara nyingi tangu kuwekwu msingi wa ulimwengu; lakini sasa, mara moja tu; katika utimilifu wa nyakati, amefunuliwa, azitangue dhambi kwa dhabihu ya nafsi yake.

Na kama vile watu wanavyowekewa kufa mara moja, na baada ya kufa hukumu,

kadhalika Kristo naye, akiisha kutolewa sadaka mara moja aichukue dhambi ya watu wengi; na atatokea mara ya pili pasipo dhambi, kwa hao wamtazamiao kwa wokovu.

²² Bwana na aongeze baraka Zake kwenye kusomwa kwa Neno Lake. Na tuinamishe vichwa vyetu sasa kwa ajili ya maombi.

²³ Mwenyezi Mungu, ambaye Ndiye mwanzo wa mambo yote, aliyeumba ulimwengu kwa Yesu Kristo, tunakuja katika Uwepo Wako, katika jengo hili asubuhi ya leo, kama kusanyiko la watu Wako: kwanza kujitoa wenyeewe Kwako kwa ajili ya ibada; kutoa shukrani kwa ajili ya yale tumepokea tayari kutoka mkononi Mwako; tukiomba ya kwamba Wewe utabariki kusomwa kwa Neno hili. Roho Mtakatifu na aendelee kulifanya Neno halisi kwetu, tunapomtazamia Mwandishi wa Neno, kwa kuwa tunaomba katika Jina Lake, Yesu Kristo. Amina.

²⁴ Sasa, tutajaribu, asubuhi ya leo, kuchukua herufi nne tu, katika neno, *Tazama*, kwa ajili ya somo, na kulishughulikia

kwa muda kidogo, kama vile Bwana atakavyotuongoza kufanya. Nina muhtasari kidogo ulioandikwa hapa, na Maandiko ambayo huenda tukayarejea, tunapoendelea. *Tazama*.

²⁵ T, a, z, a, m, a, tazama. Hili neno, kweli, wakati... Linatumika mara kwa mara. Lakini, "tazama," unapolisikia hilo neno, kwa kawaida ni mtu akijaribu kukufanya uone kile wanachoangalia. Wanakwambia, "Tazama." Kama vile kushuka kwenda barabarani, wewe, mtu fulani, huenda akaona tukio fulani, nao wengesema, "Tazama," kisha waonyeshe ni kitu gani. Ni mlimani, kwenye—kwenye m—mpungate, ama chochote wanachoangalia. Lakini, jambo la kwanza, kuvutia usikivu wako, ni, "Tazama."

²⁶ Sasa, kila mtu anatazama, leo. Kila mtu anatazamia jambo fulani, na kutazamia jambo fulani litukie.

²⁷ Tunajua ya kwamba ulimwengu sikuzote unaangalia angani, rada na skrini tulizo nazo kule juu, kote ulimwenguni, kila taifa, kwa ajili ya ulinzi wake lenyewe, lina—lina jicho la siri, kitu kama hicho, wakitazamia wa—waone kitu kikitokea kwenye skrini hii, kama kombora la atomiki ama kitu fulani. Basi, wana kitu fulani kule cha kurudi kwa yule aliyeikituma huku.

²⁸ Kila kitu kinatazama. Kampuni ya Ford inatazamia kuunda Ford bora zaidi. Chevrolet inatazamia, kuunda Chevrolet bora zaidi. Phoenix inatazamia kujenga mji mkubwa zaidi na bora zaidi. Taifa linatazamia eneo kubwa zaidi, lipate kujipanua. Kanisa, kanisa tu, linatazamia wafuasi zaidi.

Bali Bibi-arusi anakutazamia Kuja kwa Bwana wake.

²⁹ Sote tunatazamia. Inategemea kile sauti hiyo inajaribu kukwambia utazamie. Baadhi yetu wanasema, "Tazamia *hiki*." Na kama ni kanisa, tunasema tunataka wengi sana mwaka huu, wafuasi. Hilo ni sawa.

³⁰ Lakini Sauti ninayojaribu kuwaambia asubuhi ya leo, ni kama mwandishi wa waraka huu, tunayeamini ni Paulo, ambaye anasema, "Tukitazamia Kuja kwa Yesu Kristo, mara ya pili," tukimtzamia Yeye. Kusudi tufanye hilo, inakubidi kuona kitu kabla hujawenza kumwambia mtu fulani atazame kile unachoona.

³¹ Nuhu alikuwa na ujuzi wa jambo hili. Naye, kwa imani, aliona kuja kwa mafuriko, mvua kubwa iliyokuwa inaenda kuifunika dunia na kuchukua ninii yote... kuisafisha dunia yote kwa maji; kule kuwekwa wakfu tena kwa Mungu. Uchafu wa ulimwengu, ambao watu walikuwa wameingia katika vurugu hiyo waliiyokuwa ndani yake siku hiyo, nao wote ulipaswa kufagiliwa mbali, kuanza upya.

³² Ndio kwanza nimalize mfululizo wa ibada juu ya ile mihuri saba ya mwisho. Na kuona, katika muhuri huu wa sita, ya kwamba kuna usumbufo mkubwa katika—katika

maumbile. Mwezi, nyota, nchi inafoka. Kanisa linatakaswa, Israeli inatakaswa, na kila kitu kinatakaswa chini ya huo muhuri wa saba, kusudi ule Utawala wa Miaka Elfu upate kuanza. Hapana budi pawe na utakaso, kwanza.

³³ Na hilo ndilo kanisa, leo hii, na ndilo ninalotaka kuwaonyesha, ya kwamba tunahitaji utakaso. Kabla chochote hakijaanza kutoka kwa Mungu, hatuna budi kuwa na utakaso. Nasi tunapoangalia na kuona mambo yaliyoko sasa, chini ya hali ya mambo ya sasa yalivyo jinsi yalivyo, tunaweza kuona ya kwamba hatuna budi kuwa na jambo litakalotukia kabla Mungu kuweza kuendelea na mpango Wake, na kutakasa. Wengi wetu, ninasema, wanaweza wakaangalia nyuma kwenye...

³⁴ Ninayo kanda, ama, vema, ni sinema iliyopigwa Yerusalem, ambako tulikuwa tukiwaliza Wayahudi, walipokuwa wakirudi kutoka Iran na mahali pengi, miaka michache iliyopita, kama miaka mitano iliyopita, wakiwabeba wapendwa wao mgongoni mwao, na kuwatoa kwenye meli na kutoka kwenye ndege, na kadhalika, wakirudi. Tukawauliza swali, "Kwani mnarudi kwenye nchi ya uenyeji wenu mpate kufa?"

Wakasema, "Tunakuja kumwona Masihi."

³⁵ Mnapoiona Israeli, ule mtu, ukichipusha majani yake, ni ishara kuu. Wakati umekaribia ambapo Israeli inafanyika taifa, nayo ni taifa leo hii.

³⁶ Tunaona mambo yakinukia, ambayo, kwa ulimwengu, imefichika kwao kama tu ilivyokuwa katika siku za Nuhu. Lakini kwetu sisi tunaomtazamia Kristo, mara ya pili, ni ishara ya kwamba Yeye yuaja karibuni. Tunaona jambo fulani likitayarisha kutukia, na inategemea unatazamia nini.

³⁷ Sasa, Nuhu alijua kwa Neno la Mungu kwamba mafuriko yalikuwa yanakuja. Kwa imani aliyona. Alijua hilo lilikuwa linaenda kutukia, kwa sababu Neno la Mungu liliahidi. Sasa, Nuhu, mwenyewe, kwa imani, aliona yale Neno la Mungu liliyosema. Bali ulimwengu usingeweza kuyaona, kwa sababu isingeweza kuthibitishwa kisayansi kwamba kulikuwa na maji huko juu angani. Bali Nuhu alijua yalikuwako, kwa sababu Mungu alisema hivyo.

³⁸ Hilo ni Kanisa, Bibi-arusi, walioitwa watoke siku hizi, wanajua ya kwamba Kuja kwa Bwana kumekaribia, haijalishi tumeweza kupiga hatua kiasi gani katika maendeleo, na kadhalika, na kufanikiwa katika kuipasua atomu, na—na kutuma u—ujumbe wa rada mwezini. Hilo halina maana kwa mwaminio, ni ishara tu kwamba Kuja kwa Bwana kumekaribia. Tunaona mataifa yakivunjika, na mataifa yakija, yakivurugika, na ulimwengu ukivurugika, na mwenendo wa kanisa ukipurugika. Kisha, tunafundishwa, ya kwamba, "Tunapokea Ufalme usioweza kutetemeshwa." Lakini wakati mambo haya yakianza kutukia, Kanisa linajifunga Lenyewe

pamoja, zaidi na zaidi, kwa ninii . . . kwa Neno la Mungu. Ni siku kuu tunayoishi. Nasi tunaninii . . .

³⁹ Kila mtu anatazamia kitu fulani. Huenda unatazamia leo wakati wa kurudi nyumbani, kula chakula chako cha kutwa. Huenda kukawa na ma—mandari alasiri ya leo, ambako unaipeleka familia yako. Huenda kukawa na jambo lingine, juma lijalo, ambapo unamtazamia jirani kuja, ama rafiki fulani. Lakini kila mtu anatazamia jambo fulani.

⁴⁰ Na kama kundi la waaminio leo hii, lililokusanyika pamoja, tunataka kuelekeza mawazo yetu, misimamo yetu na kadhalika, juu ya Kuja kwa Bwana, “Tukimtazamia Kristo, Yule atakayetokea mara ya pili pasipo dhambi kwa wokovu, kwa wale wanaoamini na wanamtazamia Yeye kuja.” Mungu, hapa, nanii . . . kwa mwandishi, anatualika ku—kulichunguza hili na kuliangalia. Sisi . . . Mwandishi huyu anasema hapa, ya kwamba, “Tunamtazamia Kristo, mara ya pili, tupate kumwona Yeye jinsi alivyo.”

⁴¹ Na sasa tunajua ya kwamba Neno ni Kristo. “Hapo mwanzo alikuwako Neno, naye Neno alikuwa pamoja na Mungu, naye Neno alikuwa Mungu.” Nayyo Waebraania 13:8 ilisema, “Ni yeye yule jana, leo, na hata milele.” Kwa hiyo Neno ndilo tunalotazamia, basi, kwa kuwa Hilo ndilo dhi—dhihirisho la kile alich Mungu. Basi Mungu alipokuja katika Kristo, Yeye alikuwa dhihirisho la kile alichokuwa Mungu. Na chochote Yeye alichokuwa, anabaki hivyo daima, kwa sababu Yeye ni wa Milele na hawezি kubadilika.

⁴² Ni tumaini la jinsi gani linalotupa, kwamba Mungu hajatuacha bila ya shahidi wa kweli katika siku za kuchanganyikiwa tunazoishi leo hii! Hata hivyo, sisi bila shaka ni watu waliojaliwa, kama tu tutatazama kwenye shahidi wa kweli tuliyе naye, Neno, mnaona, kwa sababu huo ni ufunuo mkamilifu wa Mungu wa Yesu Kristo. Hakuna kitu kinachowenza kuongezewa Kwake wala kutolewa Kwake, kwa sababu ni Hilo ufunuo wa Yesu Kristo.

⁴³ Mungu kamwe hajawahi kuwaacha watu Wake bila shahidi wa kweli. Mungu atauhukumu ulimwengu kwa Yesu Kristo. Na kama Yesu Kristo ni Neno, basi Mungu hulihukumu kanisa, ama ulimwengu, kwa Neno, kwa kuwa Yeye ni Neno. Ipo Hukumu inayokuja. Mwenye dhambi anajua hilo.

⁴⁴ Watu wengi, unapozungumza juu ya Kanisa, wana wazo la ajabu. Ulimwengu, wanapopitia karibu na Kanisa, ninamaanisha, Mwili wa Kristo uliokusanyika pamoja, wanawazia juu ya wanawake wetu wenye baadhi ya nywele ndefu, nyuzinyuzi, wamevaa nguo nyeusi na kila kitu. Nao wanawawazia wanaume wenye vidole virefu, wamevaa nguo nyeusi, na sikuzote wakiwahukumu. Kwa hisia nzuri ya neno,

hiyo ni kweli, kwa sababu, "Kanisa ni watu wa kipekee, watu walioitwa watoke."

⁴⁵ Na sababu ya kuonekana hivyo kwa mtu huyo anayetaka kulihukumu Kanisa katika hali hiyo, ni kwa sababu Kanisa daima linaelekeza kidole cha hukumu kwa kila kitu anachowazia ni kizuri. Na kama ye ye ni mwenye dhambi, anafikiri dhambi ni nzuri, anasa za maisha, kama vile kuishi ulimwenguni. Na wakati Kanisa linaposimama na kukihukumu kitu hicho, Hilo huonekana kama ni mnyama wa kuchukiza kwake. Lakini laiti angalijua, ndiyo njia pekee ya Mungu ya kuleta wokovu, hiyo ni kweli, kulitamka Neno la Mungu kwa midomo ya watumishi Wake.

⁴⁶ Sasa, Mungu angaliweza kuchagua kuihubiri Injili kwa jua, kwa mwezi, kwa nyota, kwa upepo, ama kwa maumbile. Bali aliwachagua wanadamu kuihuiri Injili, na hapo ndipo Sauti ya Mungu itakapotokea. Nawe unaweza kuitambua sauti kulingana na neno inalonena, ndipo unaweza kuona ni sauti ya namna gani unayosikiliza. Kama ni kinyume na Neno, usisikilize. Bali ikiwa ni Neno, basi Mungu anawajibika kuliunga mkono Neno hilo na kulithibitisha na kulifanya Kweli, kwa sababu Yeye aliahidi kufanya hivyo. Kwa hiyo tunaishi katika siku kuu, Maneno haya ya Kristo yakidhihirishwa.

⁴⁷ Wakati alipokuja ulimwenguni, Yeye alikuwa ni Neno, Mwenyewe. Haikumbidi kuandika vitabu vyovyote. Kamwe hakuandika kitabu. Kwa nini? Yeye alikuwa ni Neno. Haikumbidi kuandika juu ya chochote, kwa sababu Yeye alikuwa ni kile hao wengine walikuwa wameandika habari zake. Alikuwa ni Neno. Hivyo basi, Yeye hakuandika chochote kwa mkono Wake Mwenyewe. Alikuwa ndiye Neno, Lenyewe. Na Yeye ni yule yule jana, leo, na hata milele, kwa hiyo angali anabaki ni Neno.

⁴⁸ Yeye aliaambia Wayahudi, siku moja, alisema, "Ni nani anayeweza kunishuhudia ya kuwa nina dhambi?" Sasa, *dhambi* ni "kutokuamini." "Ni nani anayeweza kuelekeza kidole chao Kwangu na kusema kwamba sijatimiza kila Neno lililoandikwa juu Yangu?"

⁴⁹ Hivi si lingekuwa ni jambo tukufu asubuhi ya leo, ndugu zangu na dada, kama Kanisa la Mungu aliye hai lingeweza kusimama na kusema, "Ni nani anayeweza kunishuhudia ya kwamba nina dhambi? Kila karama ambayo Mungu aliahidi katika Biblia, na kila kitu alichoahidi kingetendeka, kinatendeka moja kwa moja mionganii mwetu leo hii"? Hilo si ni jambo zuri sana? Ni nani awezaye? Ndipo sisi... Mawazo ya kimadhehebu yangetoweka kabisa ambapo tunaweza kumwona Mungu akijitetea Mwenyewe.

⁵⁰ Watu wengi sana wanatazamia ninii mbalimbali... Hakuna mtu anayetaka kufa. Hakuna anayetaka kupotea. Kila mtu

anataka kuwa katika Uwepo wa Mungu. Mimi ninataka, wewe unataka, kila mtu anataka. Ila hatuko tayari kupitia njia ambayo Mungu ametoa ili tupitie. Mnaona? Hilo ndilo linalolifanya tofauti sana.

⁵¹ Mvulana wangu, Billy, hivi majuzi, alinipa kamera. Naye akanionyesha ki-kitu. Akasema, "Baba, kipige picha kitu kile huko nje." Vema, ni Petri ndogo ya mm35. Basi nikaichukua kamera hiyo ndogo na kikitazama kile kitu. Kulikuwako na vitu vitatu mbalimbali vimesimama huko nje, mpungate wa Saguaro. Ningeweza kuona shina moja, mashina mawili, mashina matatu. Na nikaishusha chini tena, nikatazama, kulikuwako na shina moja tu. Nikairudisha tena, ilionekana kana kwamba kulikuwa na mashina matatu.

⁵² Vema, hivyo ndivyo tu, wakati mwengine, tunakuwa nje ya shabaha. Tuna Kitafuta umbali. Nasi tunajaribu kuweka kitu cha Mungu huko nyuma kabisa mahali pengine, na kitu kingine, labda hatujatumia Kitafuta umbali chetu. Hebu Roho Mtakatifu atuondolee mawazo yetu pamoja na theolojia yetu ya kanisa, na hebu Kitafuta umbali kiingie na kutuunganisha, hutaona vitatu wala vinne. Utaona kitu kimoja, cha Mungu. Unaona?

⁵³ Akiangalia kupitia kamera ile ile, mtu anaweza kuona kitu fulani, bali akili yake mwenyewe inamwambia kuna shina moja tu huko nje. Mnaona?

⁵⁴ Lakini hivyo ndivyo Roho Mtakatifu afanyavyo, ikiwa tu tutamruhusu afanye apendavyo. Atalichukua Neno Lenyewe na kulileta kwenye shabaha, ambapo tutaona kile tunachotazama basi. Halafu basi utakuta kwamba, labda, kama watu wanaojaribu kukuonyesha jambo fulani, hawajakosea sana, hata hivyo, unaona; kama tu utaruhusu Kitafuta umbali kianze, Neno Lenyewe, kianze kuonyesha Neno katika dhihirisho. Amina. Lita—litafanya hivyo ikiwa tu utaliruhusu. Unaona? Ila huna budi kutumia Kitafuta umbali, kupata ninii yako—ninii yako... Kama iligonga alama sufuri mara moja, kitaigonga tena.

⁵⁵ Na—napenda ku—kupiga risasi, na—na shabaha. Basi hapa si muda mrefu uliopita, nilikuwa nikiwinda kuchakuro huko chini Kentucky. Kulikuwako... Nilikuwa na maskini bunduki ya muundo wa 75. Inasikika... Natumaini halisikiki la kukufuru kwenu, kusema hili kwenye mahubiri, bali ni—nitawaambieni. Ninajaribu kujenga hoja. Basi maskini bunduki hii, niliifanyia mazoezi. Nami nimeshughulika na kuchezacheza na bunduki tangu nilipokuwa mtoto mdogo. Na—nazipenda. Basi ni—nilikuwa na maskini muundo huu wa 75 hata ningeweza kuninii tu, kila wakati, kulisiga jicho la kuchakuro kwenye umbali wa yadi hamsini nayo.

⁵⁶ Nilikuwa na cheti kutoka kwenye kituo cha kupiga shabaha huko chini, kilichotiwa sahihi, kwamba, "Kupiga risasi tisa kwenye shimo lile lile, umbali wa yadi hamsini, kwenye

siku ya mvua, na upepo.” Nami nikafanya kitewe sahihi na kuthibitishwa. Na hiyo ilikuwa ni Bwana akinisaidia, bila shaka, kufanya hivyo. Hilo si la kawaida.

⁵⁷ Basi nikaanza kumpiga risasi kuchakuro. Nikaona, nilimpiga mahali pengine mbali na jicho. Nikashikwa na wasiwasi. Nikajaribu tena, kwenye karatasi, wala isingepiga shabaha. Ingepiga karibu nayo, loo, robo inchi, ama nusu inchi, kitu fulani, kwenye yadi hamsini. Lakini nilijua ingefanya bora zaidi kuliko hivyo. Nikaifanya ile bunduki kila kitu nilichojuwa kufanya, na hakuna kitu kilichoonekana ku—kuirekebisha vizuri.

⁵⁸ Kwa hiyo nikaifunga na kuiweka kwenye sanduku na kuirudisha kwenye Kampuni ya Winchester ikachunguzwe, ikatobolewe. Wakaniandikia barua nzuri niliyo nayo, faili yangu nyumbani. Na ilisema—ilisema, “Kasisi Branham,” kasema, “bunduki hi—hiyo itakosea inchi moja kwenye yadi ishirini na tano.” Kasema, “Ni muundo 75 tu.” Kasema, “Si bunduki ya kulenga shabaha. Ni maskini bunduki ya mchezo tu.” Kisha kasema, “Kamwe hutapata matokeo bora zaidi ya hayo.” Sasa, hiyo ilikuwa ni Kampuni ya Winchester iliyotengeneza bunduki hiyo, kasema, “Inchi moja kwenye yadi ishirini na tano,” nami nilikuwa nimelenga mashimo tisa mfululizo kwenye yadi hamsini.

⁵⁹ Sasa, hili hapa wazo langu. Mke wangu akasema, “Sasa angalia, Bill,” akasema, “ikiwa kampuni hiyo iliyotengeneza bunduki hiyo itasema tu hivyo, wala haitafanya bora zaidi ya hivyo, basi wewe ni nani kusema hilo.”

⁶⁰ Nikasema, “Mpenzi, jambo ndilo hili. Sijali kampuni hiyo inasema nini. Nimeiona ikifanya hilo, nami ninajua italicifanya.”

⁶¹ Ndipo nikaketi pale, wakati hao ndugu wengine walipokuwa wanawapiga risasi kuchakuro. Popote walipotaka kuwapiga ilikuwa ni sawa, katikati, nyuma, ama popote pale. Nikaketi chini ya mti na nilikuwa nikilia. Nikasema, “Mungu, nina wasiwasi sana. Siwezi kutulia. Kwa nini ukafanya maskini jamaa mwenye wasiwasi namna hii?” Na ninii tu . . .

⁶² Ninatambua mahali ninaposimama hapa, Biblia mbele yangu. Ndipo Sauti, dhahiri tu kama mngeweza kuisikia yangu, ikasema, “Uliumbwa hivyo kwa kusudi fulani.”

Kwa sababu, mpaka u—ujue ya kwamba bunduki hiyo italicenga kikamilifu mara moja, kwa sababu . . . Kama ililenga kikamilifu mara moja, hasa, italicenga tena. Ni bunduki ile ile.

⁶³ Kwa hiyo, ninaliona. Mnaona? Ikiwa kulitii Neno hili, kuchukua hiki Kitafuta umbali na kukielekeza mahali ambapo ninaweza kuona jambo lile lile ambalo wale mitume waliona, Injili ile ile waliyohubiri. Litaleta matokeo yale yale, maana liliwaleta hao. Litapiga shabaha kila wakati. Haijalishi makanisa yanasema nini, na watu wanaodai kuwa, na—

najua litafanya hivyo. Kwa sababu... Na hilo hapo ninalotaka kuangalia, hilo Neno, kuona kwamba limelenga shabaha kikamilifu, kuona ono lile lile waliloona. Nalo litafanya kazi ile ile lililowafanya. Litawaponya wagonjwa. Litawafufua wafu. Litatoa pepo. Litazaa Kanisa tukufu Ambalo liko tayari kutia muhuri ushuhuda wao kwa damu yao wenyewe kama ikiwabidi kufanya hivyo. Kwa sababu, inategemea kile unachotazama.

⁶⁴ Sasa kama ningetegemea yale Kampuni ya Winchester iliyosema, ambayo inadhaniwa kuwa ndiyo ambayo—ambayo ilitengeneza bunduki hiyo, basi ningaliwasikiliza wao. Ila nilijua vinginevyo.

⁶⁵ Sasa kama nikiliangalia kanisa, nao waseme, “Loo, hizo siku zimepita, na hakuna kitu kama *Hicho*,” na, mnaona, mnaona mahali mngalikuwa? Ingekuwa imekosa shabaha kabisa. Mnaona?

⁶⁶ Lakini kama Yeye ni Mungu kamwe, Yeye angali ni Mungu. Daima alikuwa ni Mungu, na hawezi kuwa kitu kingine chochote ila Mungu. Na Yeye ni Mungu, Milele. Hivyo basi, tunataka kuangalia hiyo Shabaha; si ile shabaha kanisa linalenga, bali ile Shabaha ambayo Kristo analenga.

⁶⁷ “Tunamtazamia Kristo kutokea, Yesu yeye yule.” Yeye alisema, wakati alipokuwa duniani, “Bado kitambo kidogo na ulimwengu hautaniona Mimi tena. Bali, ninyi mtaniona, kwa kuwa nitakuwa pamoja nanyi hata ukamilifu wa dahari.” Yeye Yule Ambaye angeweza kulielekeza Neno, na awe Neno, na kulielekeza moja kwa moja kwenye ile Shabaha, Bwana Yesu yuyo huyo yupo hapa asubuhi ya leo katika umbo la Roho Mtakatifu, kuyaelekeza mawazo yetu na kulenga, Neno Lake, kwa Mungu mmoja na wa kweli aliye hai, kwa kusudi moja, kwa fanikio moja. Na kama tutamruhusu Yeye tu kufanya hivyo, Yeye atalilengesha Neno moja kwa moja kufikia mahali ambapo patathibitisha kwamba Yeye ni yule yule jana, leo, na hata milele. Inategemea unataka kuangalia nini.

⁶⁸ Hatuna budi kuyalenga maisha yetu. Sio yale mtu mwингine asemayo, bali kuyalenga maisha yetu Kwake. Na Yeye ni Neno. Mnaona? Tukiyafanya maisha yetu yalingane na Neno, basi Neno na maisha yetu yanakuwa sawa. Yeye alisema, “Mkikaa ndani Yangu, na Neno Langu ndani yenu, basi ombeni mtakalo. Mtapewa. Amin nawaambieni, ukiuambia mlima huu, ‘Ng’oka,’ wala usitie shaka moyoni mwako, bali uamini kwamba yale uliyosema yatativia; yatakuwa yako.” Loo, jamani! “Sio yale niliyosema; yale *uliyosema*, yatakuwa yako,” kwa sababu wewe na Yeye mnakuwa mmoja. Kwa sababu, nia iliyokuwa ndani ya Kristo iko ndani yako. Nayu nia iliyokuwa ndani ya Kristo ilikuwa ni kutimiza Neno la Baba. Ambalo, Yeye alikuwa Neno. Haya basi. Ndipo wewe na Neno mmelengwa ndani, pamoja. Unakuwa kiumbe hai cha Mungu. Jinsi ilivyuo kuu!

⁶⁹ Kulikuwa na wakati ambapo dhambi za mwanadamu... Wakati mwanadamu alipotenda dhambi mbele za Mungu, alivuka shimo kubwa. Kama vile mwandishi alivyosema hapa, kwamba "Alionekana katika siku za mwisho kwa ajili ya wokovu kwa wale wanaoutazamia." Sasa, shimo hili kubwa alilovuka mwanadamu, hakujachia njia ya kurudi. Asingeweza kurudi tena, kwa sababu amevuka ule utengano kati yake na Mungu.

⁷⁰ Mungu, akiwa ni mwingi wa neema na rehema, alichukua kibadala, nacho kilikuwa ni mwana-kondoo ama mnyama, aliyetolewa, mauti ya kibadala. "Bali damu ya mafahali na mbuzi," kama Waembrania hapa ilivyosema, kabla tu ya mahali niliposoma, "haiwezi kuondoa dhambi." Ilifunika tu dhambi. Ilikuwa ni upatanisho, hakika, bali ilifunika tu dhambi, kwa kuwa ilikuwa ikinena kwa dhamiri njema, ikitazamia ambapo ile Damu ingekuja ambayo ingesafisha dhambi, kuitaliki, iiondolee mbali milele.

⁷¹ Sasa, wakati Yesu alipokuja, Yeye hakuwa tu ni mwanadamu. Hakuwa tu ni mtu wa tatu wa utatu. Yeye, Yeye alikuwa ni Mungu. Alikuwa ni Mungu, Mwenyewe. Yeye, Yeye alikuwa ni Imanueli. Nasi tunafundishwa, katika Biblia, ya kwamba, "Tunaokolewa kwa Damu ya Mungu." Wakati Mungu Mwenyewe alipofanyika mmoja wetu, Yeye—Yeye alibadilisha ninii Yake—Yake—Yake, kile alichokuwa. Alibadilisha hema Lake. Yeye alishuka chini, akijidhili kutoka Utukufuni, akafanyika mwanadamu. Hivyo basi, alizaliwa pasipo kujuana kimwili, akajumbia Mwenyewe mwili ambao aliishi ndani yake, Mwenyewe. Imanueli, Mungu akiwakilishwa pamoja nasi, Neno lilofanyika mwili mionganini mwetu, likaishi pamoja nasi, kuwakomboa wana wengi wamrudie Mungu, kupitia kumwagwa kwa Damu hii.

⁷² Ule mwili, hakika, ulikuwa ni Kristo. Ulikuwa ndio Yule mtiwa mafuta. Na kama *Kristo* linamaanisha "Aliyetiwa mafuta," na Yeye ni yule yule jana, leo, na hata milele, na Yeye ni Neno, basi Neno ndilo upako. "Mkikaa ndani Yangu, nalo Neno Langu likae ndani yenu, basi semenii mtakalo." Ni Neno la Mungu, Neno lililotiwa mafuta, hilo ndilo linalolifanya.

⁷³ Sasa, kulikuwako na wakati, kama nilivyosema, ambapo mwanamke, alipopata doa kwenye ki-kitambaa cheupe, yeye...Hakuna njia ya kuliondoa. Ninakumbuka wakati mama yangu alipokuwa anaweka kahawa nyeusi kwenye grisi, kujaribu kuondoa doa kwenye kitu fulani. Ninakumbuka wakati alipokuwa akichukua maskini chupa ya tapentaini na kujaribu kuondoa doa, mafuta ya makaa na kadhalika, kuondoa doa kutoka kwenye vazi. Vema, huwezi kamwe kuliondoa vizuri. Kungali kuna masalia ya alama yake. Hiyo, katika mfano, ningetaka kuchukua, kama damu ya mbuzi na kondoo, na kadhalika.

⁷⁴ Lakini sasa wametengeneza kitu kinachoitwa pausha. Na hiyo pausha, Kloroksi ama chochote kile, ni pausha ambayo imetengenezwa. Na vipi, asubuhi ya leo, kama ningalikuwa na beseni iliyoja hiyo pausha imewekwa hapa, na si—sirinji ndogo iliyo na wino mweusi ndani yake? Hebu tuichunguze kwa dakika moja. Huo wino mweusi ni nini? Sehemu yake kubwa ni maji. Lakini, ile rangi, hiyo rangi ilitoka wapi? Rangi ilibidi iwe na mwanzo. Tunajua iliumbwa. Kwa hiyo kama ilianza kwa kuumbwa, ilibidi itoke kwa Muumba kabla haijaweza kuwa kiumbe.

⁷⁵ Sijui maneno haya yana maana gani. Nisingeweza kuyachambua. Lakini samahani kwa maneno nitakayotumia, ila kwa kujenga hoja. Vema, hebu tuseme, vema, wakati inapodondoka . . .

⁷⁶ Tone hili la wino, sasa, lilikuwa ni kwa kusudi fulani. Hiyo rangi ilifanyika rangi hiyo kwa kusudi fulani. Tone hilo moja la wino linaweza kutia sahihi hati yako ya kifo, linaweza kukupeleka kwenye kiti cha umeme. Ama tone hilo moja la wino linaweza kukusamehe dhambi zako. Liliwekwa hapa kwa kusudi fulani. Inatupasa kulitumia kwa jambo lipasalo.

⁷⁷ Lakini, kwa mfano, limekwisha. Nasi tudondoshe tone hilo moja la wino katika beseni iliyoja pausha. Inakuwaje kwake? Huoni chochote kikitukia, bali hakuna rangi tena. Rangi hiyo inavunjika. Hujui ilienda wapi. Vema, ilirudi ikawa asidi. Bila shaka, maji ni umbo, pamoja na H_2O , inarudi, maji, yanarudi kwenye maji yaliyo kwenye hiyo pausha. Lakini kemikali iliyo kwenye kitakasaji hiki iliivunjavunja hiyo kabisa, hata usingeweza kupata doa lake tena. Limekwisha. Ilivunjika ikawa, tuseme, ilirudi kwenye asidi. Asidi zilitoka kwa kitu gani? Inazidi kurudi nyuma, tuseme, ilitoka kwenye—kwenye atomu, nini, ama molekuli. Nazo ni molekuli zipi? Molekuli kutoka kwenye atomu, atomu hadi kwenye elektroni, kadhalika na kadhalika, unapoendelea.

⁷⁸ Hebu tuwazie juu yake. Ilipoanza huko nyuma, tunasema ilitoka kwenye atomu, ama kutoka kwenye molekuli, tuseme, molekuli nne-moja mara molekuli sita-tisa zilifanyiza molekuli H. Vipi kama ingalikuwa ni sita-nane badala ya sita-tisa? Ingetokea waridi badala ya nyeusi. Kitu fulani ilibidi kuiamulia. Vipi kama ilikuwa atomu mara nne, mara sita, mara kumi na moja? Inapaswa kuwa . . . Kama ilitokea kuwa sita badala ya kumi na moja, ingalikuwa hudhurungi. Mnaona? Ilibidi itoke mahali fulani aliyeibuni.

⁷⁹ Angalia ule mtende nje ya dirisha. Ni kitu gani? Ni majivu ya volkano yenye uhai ndani yake. Angalia ng'ambo ya pili ya barabara kutoka kwake, unaona mkalitusi. Ni kitu gani? Majivu ya volkano yenye uhai ndani yake, wa aina nyingine. Angalia, unaona waridi. Ni kitu gani? Majivu ya volkano yenye uhai ndani

yake. Hiyo rangi ilitoka wapi? Wazia tu hilo. Vema, ni Nani aliyetitia hilo ua rangi? Kuna maua mawili, ya spishi ile ile, moja ni manjano na lingine jekundu. Yote mawili yanatokana na mbegu ndogo. Basi nini, hiyo rangi ilitoka wapi? Sehemu yake ni kijani, sehemu nyagine nyeupe, nyagine nyekundu, nyagine manjano, hiyo rangi ilitoka wapi? Jua lile lile liliangazia mahali pale pale. Kitu fulani hakina budi kuiamua. Ni kiini cha maumbile, kwa hiyo ilibidi kuwa na uumbaji mahali fulani. Sasa angalia, basi, inafanya nini? Inarudi moja kwa moja huko mwanzo, kwa Muumba.

⁸⁰ Basi kama dhambi ilimtia mwanadamu doa, naye Musa, kwa kutoa dhabihu ya kondoo, angeweza kuchukua Sa—Sauti ya Mungu . . .

“Nitayaweka Maneno Yangu kinywani mwako.”

⁸¹ Naye akatembea kule nje akiwa na Neno la Mungu, na kusema, “Na kuwe na nzi.” Wala hakukuwako na nzi, popote. Chini ya dakika tano, labda, maskini nzi wa kijani akaaza kuvuma huko. Katika dakika zingine kumi, walikuwa labda ratili mbili kwa yadi moja mraba. Ilikuwa ni nini? Neno la Mungu katika kinywa cha nabii Wake. Neno la Mungu linaumba, bali halina budi kutoka kwenye chanzo sahihi.

⁸² Halafu basi kama Mungu angeweza kumchukua mtu huyo, na kujenga daraja la kuvukia pale, kwa damu ya kondoo na mbuzi, na angeweza kulifanya Neno la Mungu liweze kuumba kwa kinywa cha mwanadamu, ni zaidi sana vipi . . . sio tu, bali uumbaji . . . ama nguvu za dhabihu ya fahali ama mbuzi. Lakini Damu ya Yesu Kristo, ambapo wakati dhambi imeungamwa na kutumbukia katika kitakasaji hicho cha Mungu, ninii yake . . . njia ya uumbaji wa Mungu mwenyewe ya kuondolea doa, mbali sana, hata inawekwa katika Bahari ya Usaulifu, isije ikakumbukwa tena.

⁸³ Mtu anapokiri dhambi zake na kupatana na Mungu, naye Mungu anatumbukiza dhambi ya ungamo hili katika Damu ya Damu Yake mwenyewe, na kuisamehe hiyo dhambi, na—na kurudisha mahali pake katika mtu huyo ile Roho asili iliyopaswa kuwa mle, Roho Yake mwenyewe, akimfanya kuwa mwana wa Mungu, ni zaidi sana vipi nguvu umbaji za Mungu zinavyopaswa kuwa ndani ya Kanisa! Mnaona? Inavunjilia mbali kila ukuta wa dhambi. Inavunjilia mbali. Mnaona?

⁸⁴ Watu siku hizi wanajaribu kusema, “Maneno hayo yalikuwa huko nyuma kwa ajili ya wakati mwingine.” Ni, kama ungali nje kutoka chini ya ile Damu.

⁸⁵ Bali kama uko chini ya ile Damu, nguvu za Mungu kwa Neno Lake zinabaki vile vile. Hazina budi kuwa vile vile. Kama aliweza kufanya hivyo kwa damu ya kondoo na wanyama, vipi kuhusu Damu ya Yesu Kristo?

⁸⁶ Ningeweza kufanya hivyo. Hatuna budi kurekebisha maisha yetu na kuyalenga kwenye Neno la Mungu. Kama tu vile tungefanya kamera ya picha, ama kujaribu kupata fokasi nzuri kabla hatujaipiga, na ndipo tunapata picha halisi na ya kweli. Hivyo ndivyo tunavyotaka kufanya, kuyalenga maisha yetu ndani ya Yesu Kristo, hata wewe na Kristo mnafanyika Mtu yule yule. Wewe ni mwana aliyefanywa mwana mwenye mamlaka kwa Mungu kwa Damu ya Yesu Kristo mwenye haki.

⁸⁷ Ndipo Kanisa lingekuwa likiendelea pasipo msuguano, pasipo madhara, pasipo maumivu, pasipo—pasipo mashaka, pasipo na haya, pasipo msuguano. Litakuwa likitenda kazi katika nguvu za Neno la Mungu, likidhihirisha kila baraka ya Kiungu ambayo Mungu aliliahidia, kama litafanya tu hilo.

⁸⁸ Hatuna budi kuyafanya maisha yetu, kisha tumwone Yeye na tumwone Yeye pekee, sio askofu fulani, mtu fulani mashuhuri, ama kitu fulani tunachojilinganisha nacho, bali tunamtazamia Yesu Kristo. Si dhehebu fulani, si papa fulani, ama—ama askofu mkuu fulani wa Canterbury, ama mtu mwingine “wa Kiungu,” tunayemwita duniani. Lakini hatuna budi kumwangalia Yesu Kristo. Yeye ni Neno. Na a—...

⁸⁹ Ibrahimu, alipotakiwa kukaa kwenye nchi ya ugeni, na kuitazamia ile ahadi, kamwe hakuitilia shaka ahadi hiyo.

Mkristo huangalia yasiyoonekana.

⁹⁰ Kumbuka, umejaliwa hisi tano. Moja ya hizo ni kuona. Bali nitakuthibitishia, macho yako hayaoni kila kitu. Hapa, asubuhi ya leo, mumu humu katika chumba hiki sasa, kuna uwakilisho hai wa viumbe katika chumba hiki. Zipo sauti hai humu chumbani. Usipoamini, basi nenda kaifungue televisheni uone kama hamna watu kote nchini wanaowakilishwa papa hapa kwenye chumba hiki asubuhi ya leo. Viwiliwili vyao na utu wao vinapitia kwenye chumba hiki. Hiyo ni kweli? Kwa nini? Njia pekee utakayopata kujua hilo, ni mtambo wa kurushia mawasiliano, kuichukua na kuionyesha katika uhalisi.

⁹¹ Na njia pekee Kanisa litakavyowahi kujua ya kwamba Yesu Kristo ni yeye yule jana, leo, na hata milele, ni kuingia kwenye huo mtambo wa kurushia, Damu inayotundolea mbali dhambi zetu kutoka kwetu, na kutuvusha kwenye lile shimo, tukaingia katika Uwepo wa Mungu, tukiwa wana wa Mungu anaojiwakilisha Mwenyewe ndani yao. Loo, ni jambo kuu jinsi gani! Kama tungalilitazama hilo asubuhi ya leo, tungezisahau tofauti za mambo yaliyomo ulimwenguni leo hii, na mambo ambayo watu wengine wanatazamia, na idadi kubwa na kadhalika. “Tunamtazamia Yesu Kristo, Yule aliye Mwanzilishi na Mwenye kuitimiza Imani yetu.”

⁹² Sasa kumbukeni, silaha yote ya Mkristo ni ya kimbunguni, kama wewe ni Mkristo.

⁹³ Unasema, "Kuona ni kuamini." Kamwe huwezi kuwa Mkristo kama ukiamini hilo.

⁹⁴ "Kwa kuwa imani ni kuwa na hakika ya mambo yatarajiwayo, bayana ya mambo yasiyoonekana." Huwezi kuwa Mkristo na ikubidi kuona jambo hilo. Silaha yote ya Mungu ni ya kimbunguni. Upendo, furaha, amani, imani, uvumilivu, fadhili, upole, utu wema, na Roho Mtakatifu, yote ni yasiyoonekana. Wala Mkristo hatazamii yale anayoona kwa macho yake. Yeye hutazama yale anayoona kwa imani yake.

⁹⁵ Nay o imani yake inaweza tu kutiwa msingi juu ya kitu kimoja, hicho ni Neno. Amina. Sasa ninajisikia kama Mbaptisti anayepiga makelele. Naam, bwana. Unaona? Unapolifikia hilo Neno, hilo ni kitu kilicho hai. Hilo ni Neno. Wakati nia yako na macho yanapoweza kulengwa pekee kwenye hilo Neno, na kulilenga hilo mpaka unaona kile hasa Mungu anafanya, ni jambo la ajabu vipi.

⁹⁶ Ibrahimu alilionna. Mnaona? Yeye hakuangalia kueleweka vibaya kwowote kwa hiyo ahadi. Vipi kama angalitazama na kusema, "Mimi hapa ni mwenye umri wa miaka sabini na mitano. Na sauti *fulani-na-fulani* ilinena nami na kusema nitampata mtoto mchanga kwa mke wangu. Yeye ana umri wa miaka sitini na mitano, yapata miaka kumi na mitano, ishirini, baada ya kukatika hedhi?" Angalifanya nini? Lakini alifanya nini? Hakuzingatia jinsi mambo ya kimaumbile yalivyokuwa. Alitazama yale Mungu aliyo sema. Yalikuwa halisi sana kwake hata hakuona lingine lolote ila alilosema Mungu. Akaondoka nyumbani mwake. Akajitenga na kutokuamini kwote, chochote ambacho kingejaribu kumvuta na kumwondo. Alijitenga apate kutembea peke yake.

⁹⁷ Hivyo ndivyo kila mwaminio halisi anavyopaswa kufanya. Jitenge na hawa wenyewe kushuku na wasioamini, ukatembee pamoja na Kristo. Ni, ni Uzima, kwako.

⁹⁸ Basi Ibrahimu akafanya kitu kama hicho. Ndipo miaka ishirini na mitano baadaye, tunamwona angali anaamini ahadi ile ile. Kwa nini? Alikuwa ameilenga nia ya—yake kwenye mapenzi ya Mungu, kwa Neno la Mungu, na kuliamini.

⁹⁹ Laiti tungewenza kujilenga kwenye mpango wa Mungu, kwa yale Mungu anayotaka kwa ajili yetu, na yale Mungu aliyo tuahidi, na kuachana na mengine yote. Haijalishi inachukua muda gani, endelea tu kuamini.

¹⁰⁰ Warumi 4 hapa, tunaona Warumi 4:14. Ilisema, "Naye hakusita kwenye ahadi ya Mungu, kwa kutokuamini." Hakuacha kutokuamini kumwambukize, hata kidogo. Yeye alitazamia jambo moja, hilo lilikuwa, ile Sauti ili yonena naye.

¹⁰¹ Hilo ndilo Kanisa linalopaswa kufanya leo hii. Litazame jambo moja, ile Sauti, Neno la Mungu linalosema nasi. Makanisa

pamoja na watu wanaweza kuzungumza vyovyote. Lakini, itazame ile Sauti. Tunatazama nini?

¹⁰² Yeye aliitazama Sauti iliyosema naye. "Aliita kila kitu, kinyume na Sauti hiyo, kana kwamba hakikuwako." Na hata hivyo, kimwili, ilikuwa imekosa shabaha na ulimwengu kama vile wakati wa Nuhu ulivyokuwa. Ilikuwa imekosa shabaha kabisa.

¹⁰³ Kwa sababu nini? Wakati wa Nuhu, wasingeweza kuthibitisha kulikuwako na mvua kule juu. Bali Nuhu alijua ya kwamba, kama Mungu alisema hivyo, Yeye alikuwa na uwezo wa kuiweka mvua kule juu.

¹⁰⁴ Ibrahimu alijua ya kwamba mwili wa—wake ulikuwa kama ule uliokufa, bali hakuufikiria mwili wake mwenyewe. Hakufikiria hali ya kufa ya tumbo lake Sara. Msichana mdogo, alikuwa amemwoa dada yake wa kambo, akaishi naye miaka hii yote. Na sasa yuko na umri wa miaka tisini, naye umri wa miaka mia moja. Lakini hata hakuwazia hilo. Hilo hata halikingia niani mwake. Kwa nini? Alikuwa amelenga kutokuamini kwote akakutupa nje. Loo, utukufu!

¹⁰⁵ Hilo ndilo Kanisa linalopaswa kufanya. Hilo ndilo kila mshiriki wa Kanisa analopaswa kufanya, angelenga ayaondoe kwako mashaka yote. Alitazame tu hilo Neno. Ililahidi. Mungu alisema hivyo. Haina budi kuwa hivyo.

¹⁰⁶ Biblia ilisema, "Kinyume na matumaini, aliamini katika tumaini. Hakusita kwa ahadi ya Mungu, kwa kutokuamini, bali alitiwa nguvu, akimtukuza Mungu." Kila siku alipata nguvu zaidi kwa sababu huo mwujiza ungekuwa mkubwa zaidi.

¹⁰⁷ Wakati mwingine hatuvezi kungoja kutoka usiku mmoja hadi mwingine. Wakati mwingine hatuvezi kungoja kutoka uamsho mmoja hadi mwingine. Inatubidi kutoka nje na kujitatanisha na mambo ya ulimwengu. Jinsi inavyotupasa kujionea aibu.

¹⁰⁸ Kabla hatujaja hapa kukiri na kuingia ndani ya hiyo Damu ya Yesu inayotusafisha na dhambi yote, inatupasa kujilenga kikamilifu, tupate kumwona yule Mungu mmoja aliye hai amesimama pale, Yeye aliyefanya ahadi, ya kwamba, "Mbingu na nchi zitapita, bali Neno Lake haliwezi kushindwa." Kaa papo hapo juu ya Hilo, ndipo hutatupwa huku na huko kwa pepo za mafundisho, ukichukuliwa mahali mahali, huku na huku.

¹⁰⁹ Lakini, unajua mahali unaposimama, kwa maana umelengwa shabaha pamoja na Mungu. Unaona maisha yako mwenyewe yakipiga ile shabaha, kama tu wale mitume walivyofanya. Unaishi jinsi walivyooishi. Ulibatizwa jinsi walivyobatizwa. Unaona matokeo yale yale walivoona. Unaona likitenda kazi ndani yako. Umelengwa kikamilifu. Sijali yale kampuni isemayo na yale madhehebu yasemayo. Umelengwa kikamilifu, kwa sababu unajua ya kwamba unapiga shabaha.

Amina. Ndipo unajua mahali unaposimama. Inategemea kile unachotazama. Kama unamtazama mtu mwingine, utaenda njia yoyote. Uvumi wowote mdogo wa upemo utakupulizia mbali na shabaha. Lakini, loo, huwezi kuondoshwa kwenye shabaha wakati umelengwa kikamilifu. Hivyo tu. Hakuna kitu kitakachouzia. Mungu huubeba hadi kwenye ninii yake . . .

¹¹⁰ Kama vile tu lile jiwe dogo la Daudi kwenye kombeo, lilienda moja kwa moja hadi kwenye kikomo chake.

¹¹¹ Vivyo hivyo maombi yenu yataenda moja kwa moja kwenye kikomo chake, maana yametolewa katika Damu ya Yesu Kristo iwaoshayo. Hakuna dhambi wala doa juu yako mahali popote. Hiyo ni kweli. Haiwezekani. Mradi tu kile Kitakasaji kiko kati yangu na Mungu, ataionaje dhambi yangu? Anawezaje kuiona?

¹¹² Kama nikitenda dhambi, sio kwa kukusudia. "Yeye atendaye dhambi makusudi akiisha kuijua ile Kweli." Bali hakuna dhambi ya makusudi, ingawaje unatenda dhambi. Ila huitendi makusudi, kwa sababu, moyoni mwako, hu—hukusudii kufanya mambo hayo.

¹¹³ Lakini unapoyafanya makusudi, ni tofauti, basi nafikiri hukuwapo hapo kwanza.

¹¹⁴ Sasa, jambo ni kwamba, ni kuja mahali ambapo doa lote la dhambi limeondolewa. Ndipo unasimama, umekombolewa na Damu ya Mwana-kondoo. Wewe ni Adamu, kama alivyokuwa kabla hajaanguka. Wewe ni mwana wa Mungu, aliyeoshwa kwa Damu ya Damu ya Mungu Mwenyewe.

¹¹⁵ Ilikuwa ni damu ndiyo inayomzaa mtoto. Ilikuwa ni damu tu, peke yake. Damu hutoka kwa jinsia ya mwanamume. Damu hutoka kwa mwanamume. Mwanamke, yeye hutoa yai, kile kijazi. Lakini mwanamume ni himoglobini, ambamo, hutokea chembe hai. Basi ndani ya chembe hiyo hai ndimo—ndimo mnakaa uhai.

¹¹⁶ Nao Uzima huja si kwa kuungama katika kanisa fulani, au kanuni fulani za imani, au hati fulani. Bali Uzima huja wakati umezaliwa tena kwa Damu ya Yesu Kristo, ile—ile Chembe hai. "Ka—kazi nizifanyazo Mimi ninyi nanyi mtazifanya. Yeye aniaminiye Mimi, ajapokuwa amekufa, hata hivyo ataishi. Kila aishiye na kuniamini Mimi hatakufa kamwe." Huo hapo ule Uzima wa Mungu, kama mwana wa Mungu, aliyezaliwa kwa Damu ya Mungu. Nawe ni . . . Roho Mtakatifu yeye yule aliyeiandika Biblia hii atailenga kikamilifu moja kwa moja kuirejesha kwako tena. Hakuna dhehebu wala kanuni ya imani inayoweza kufanya hivyo. Mungu Mwenyewe ndiye tu anayeweza kuichukua kamera ya macho yako na kukufanya uone kile Mungu alicho, na kilicho kusudi Lake. Naam, bwana. Bila shaka.

¹¹⁷ Sasa, tunaona, Musa. Tunaona, baadaye, a—alijenga . . . Aliona Israeli. Musa, yule nabii mkuu, aliangalia nje ya

madirisha. Yeye alilelewa kwenye makazi ya Farao. Naye akaangalia nje ya dirisha akaona kundi la wachanganya matope. Hakuna kitu ila watu waliovalia nusu na alama za mijoledi mgongoni mwao, hakuna njia hata kidogo ya kukombolewa. Lakini Musa alijua Neno la Mungu, naye akawaangalia kama watu walioahidiwa. Aliwaangalia kama watu waliokuwa na ahadi. Hajalishi ni kiasi gani ulimwengu, siku hizo, ulivyowadharau, kama kundi la wachanganya matope ama watumwa, yeye aliwaangalia kama watu wenye ahadi.

¹¹⁸ Farao aliwaangalia, kutoka kwenye dirisha lile lile, bali aliona watumwa.

¹¹⁹ Musa aliona ushindi. Kwa nini? Alikuwa amejilenga shabaha. Ingawa alikuwa ni mtawala, ingawa alikuwa mrithi wa kiti cha enzi cha Misri, yeye alijilenga akajiepusha na tamaa mbaya ya ulimwengu. Yeye alijilenga akajiondoa kwenye urembo na mamlaka aliyokuwa nayo kwa uwezekano wake kuzipokea. Alilenga akayaondosha hayo nje, mpaka akaona watu waliobarikiwa huko ng'ambo, kwa ahadi ya Mungu. Aliweka fokasi, kwa sababu alijua ya kwamba Mungu alimwahidi Ibrahimu ya kwamba Yeye angewazuru watu Wake. Naye alijua ya kwamba aliinuliwa kwa kusudi hilo, naye akayaondosha yote nje.

¹²⁰ Farao hakuwa na uwezekano huu. Alipewa nafasi hiyo, bali akaikataa. Ndipo alipoikataa, basi asingeweza kulenga shabaha.

¹²¹ Hakuna mtu, akiisha kulikataa Neno la Mungu, anayeweza kujilenga shabaha akajiingiza Kwake, kwa sababu unalikataa Neno linalokuingiza kwenye uhusiano wa Kristo. Hiyo ni kweli. Kwa hiyo...

¹²² Lakini, Musa aliangalia kutoka kwenye dirisha hili, akaliamenti. Kwa nini? Musa aliangalia kwa imani. Hivyo ndivyo Musa alivyoangalia.

¹²³ Sasa sikilizeni kwa makini sana tamshi hili. Imani! Sasa, msisahau kulipata hili sasa. Imani imenuiwa kuona mapenzi na matakwa ya Mungu. Hakuna maarifa yanayoweza kufanya hivyo. Imani pekee imenuiwa, na ikapewa jamii ya wanadamu, kutambua kuwa mapenzi ya Mungu ni nini.

¹²⁴ Nawe ukiichukua imani yako uliyo nayo, nayo hailengi kwenye Neno, basi achana nayo. Una imani isiyo sawa.

¹²⁵ Lakini wakati imani yako uliyopewa na Mungu inapokulenga kwenye Neno la Mungu, wewe uko moja kwa moja mstarini na umelengwa kikamilifu. Loo, jamani! Mungu na atusaidie kwenye saa hii, saa kuu tunayoishi. Imani, iliyonuiwa kuona anachotaka Mungu! Unakiona vipi? Kupitia kwa kamera ya Neno Lake, ahadi Yake. *Huu ni ufunuo mkamilifu wa Yesu Kristo.*

¹²⁶ Halafu, wakati imani iliyo ndani yako, inapokuelekeza kwenye Neno hili, umelengwa mbali na madhehebu yote na kanuni za imani na kila kitu. Umelengwa shabaha moja kwa moja kwenye Neno la Mungu. Umelengwa kikamilifu. Inahitaji tu mguso mdogo. Amina. Maombi hayo yanaruka moja kwa moja kwenye Uwepo wa Mungu, kwa sababu hakuna kitu cha kuyazuia. Naam. Hilo latosha, wakati umelengwa kikamilifu pamoja na Mungu, umewekwa fokasi, wakati huo unaiangalia shabaha.

¹²⁷ Huangalii asemayo mtu mwengine, “*Hili* haliwezi kutukia, na *hili* haliwezi kutukia.”

¹²⁸ Unayatazama yale unayojuja yalitukia. Angalia shabaha yako. Unaona mahali walipoipiga. Kama waliipiga siku hiyo, Yeye ni yule yule jana, leo, na hata milele. Ondolea mbali kanuni hizi zote za imani na kadhalika ulikochanganyikiwa. Rudi moja kwa moja kwenye Neno, kisha ungama kutokuamini kwako, na umwache Mungu amchukue Roho Wake Mtakatifu na kuelekeza mitazamo yako moja kwa moja hadi kwa Yesu Kristo. Tunamtazamia basi, sio yale mtu mwengine asemayo.

¹²⁹ Si hata yale daktari asemayo, hata yawe mazuri jinsi gani. Yeye ana mahali pake. Kanisa, kadiri lilivyo zuri... Lina mahali pake. Hatukanushi hilo. Lakini linapo, yote yana mahali pake. Litapiga risasi, bali halitapiga shabaha.

¹³⁰ “Ni wale tu wanaomtazamia Kristo mara ya pili.” Hilo ndilo lengo kamili. Inategemea kile unachotazama. Naam.

¹³¹ Sasa, siku hizi, mnaona, imani imenuiwa kufanya jambo hili. Imani ile ile siku hizi huona jambo lile lile. Imani ya Kanisa siku hizi inapaswa kuona mpango ule ule wa Mungu. Nawatakeni msilikose hili sasa. Kanisa siku hizi, lililoitwa na Mungu, hakika litaona mpango wa Mungu, kwa sababu mpango wa Mungu umeandikwa *Hapa*, ile Ramani. Naye Roho Mtakatifu, kwa imani, Ndiye Yule asomaye Hilo na kuliweka pamoja.

¹³² Basi mtu angeweza kusema amejazwa na Roho Mtakatifu, naye Roho Mtakatifu aseme njia fulani ya kufanya jambo fulani katika Biblia, halafu mtu huyu aje huku, aseme, “Loo, vema, huo ni ushupavu”? Je! anaweza Roho Mtakatifu, akiwa ni Roho Mtakatifu halisi, kulikana Neno Lake Mwenyewe? [Kusanyiko linasema, “La.”—Mh.] La. Hana budi kudumu pamoja na Neno kwa sababu Hilo ni Mungu. Mnaona?

¹³³ Unatazama nini? Unaona nini? Hatuna budi kumwona Yesu. Na jinsi pekee tunavyomwona Yesu, ni kuliona Neno. *Hili* ndilo Ishara a—asilia ya Roho. Mnajua ninalomaanisha? Ndilo Waraka ambao Roho huuhiisha. Mnaona? Huo ndio ule Waraka, ambao, naye Roho huuhiisha Waraka huu na kuufanya halisi. Naam.

¹³⁴ Musa aliangalia kwa imani. Naye mtu siku hizi anayeona mpango wa Mungu, hufanya jambo lile lile, huangalia kwa imani.

¹³⁵ Musa, baadaye, aliona jambo hili kuu. Watu walipoingia katika shida, ye ye alifanya nini? Alifanya nyoka kutoka kwa shaba, akamweka mtini. Kisha kasema, wakati walipoumwa na nyoka, kwa sababu ya kutokuamini kwao, ya kwamba, "Yeyote aliywangalia nyoka huyu aliishi." Angalieni. Mtu aliyejukua tu na kuangalia...

¹³⁶ Sasa, ile fimbo, ile nguzo aliyowekwa juu yake, ilikuwa ni kipande cha mti uliokatwa kule nyikani, labda kipande cha meskiti, ama—ama kitu fulani ambacho mngekuwa nacho hapa, mchuma, ama wowote ule. Ulikuwa tayari umetenganishwa na ukuaji wake wa asili. Ulikuwa umekufa, ndani yake. Hiyo shaba labda ilikuwa ni kipande cha helmeti kutoka kwa Warumi, ama—ama kitu fulani walichookota jalalani. Ikafinyangwa na kuwekwa pamoja, ikafanywa nyoka.

¹³⁷ Kama watu walikuja huko nje, kama tu sanamu, kumwangalia huyo nyoka, hawakupata kitu.

¹³⁸ Bali wakati mwaminio wa kweli alipokuja huko nje na kumwangalia huyo nyoka, kwa Ukweli uliofunuliwa kiroho... Huyo nyoka mwenyewe, kwa kuwa alikuwa katika umbo la nyoka, aliwakilisha dhambi iliyokwisha hukumiwa. Waliona dhambi, kutokuamini kwao, tayari chini ya hukumu, kutoka kwenye yule nyoka kutoka bustani ya Edeni. Naye huyo nyoka alifanywa kwa shaba, ambayo inamaanisha hukumu ya Kiungu. Mnaona?

¹³⁹ Madhabahu ilifanywa kwa shaba, madhabahu ya shaba, ambamo dhabihu ilitolewa; shaba, hukumu ya Kiungu.

¹⁴⁰ Yule nabii mashuhuri, Eliya, alipoziangalia anga, katika siku za huduma yake, ile miaka mitatu na nusu, na hapakuwapo na ma—maji, hata kidogo. Yeye alisema, "Anga zinaonekana kama shaba." Ilikuwa ni kitu gani? Hukumu ya Kiungu juu ya taifa lisiloamini, ujumbe wa Mungu, hata imani yao ilikuwa imefilia sana, wasingweza kuliona katika siku hiyo.

¹⁴¹ Nashangaa leo hii, kama tunaona haidrojeni zote na oksijeni, na mabomu na vitu ambavyo tumetengeneza, sijui kama hatulioni taifa, wakati, inaonekana kama shaba. Ni hukumu ya Kiungu.

¹⁴² Tumepata maarifa mengi sa—sana katika akili zetu. Tumewaelimisha watoto wetu sana mpaka tumekuwa na kundi la akina riki. Nasi tumepata yale tulio nayo, hata makanisa yetu na kadhalika. Na wavulana wetu wakienda kwenye seminari, wakitoka hapa nje, na kushuka kwenda kule na kujifunza baadhi ya Ph.D. na L.L.D. Hebu niwaambieni jambo fulani. Kila wakati anapopata moja, anaenda mbali zaidi na zaidi kutoka kwa Mungu.

¹⁴³ Mungu ni rahisi sana. Sababu ya mwanadamu kutoweza kumpata Mungu, ye ye hajifanyi rahisi vy a kutosha.

Mtu fulani alisema, “Ndugu Branham, wewe huona maono namna gani?”

¹⁴⁴ Sio mimi. Mnaona? I—inakubidi kujiondosha usioneokane. Mungu alifanya ahadi. Mungu hana budi kudumu na ahadi hiyo. Lakini inakubidi kuwa rahisi nya kutosha kujiondoa njiani mwako.

¹⁴⁵ Mtu fulani alisema, “Huyu angekuwa ni mtu mashuhuri kama angalikuwa na L.L.D. kutoka kwenye chuo chetu.” Akifanya hivyo, anapiga tu hatua nyingine mbali na Mungu.

¹⁴⁶ “Watu siku hizi wanaweza kuupeleka ujumbe,” nilisema, “kwa mwezi, bali anatembea juu ya jani la nyasi ambalo asingeweza kulielezea hata afanye nini.” Mungu amefichwa katika urahisi. Mnaona? Huwezi kuwa rahisi nya kutosha. Mtu akipata elimu, jambo la kwanza analojua, yeche ni mkuu sana, hawezu kujinyenyekeza.

¹⁴⁷ Naye Mungu ni mkuu sana, hata anajinyenyekeza Mwenyewe na kujificha Mwenyewe kutoka kwa mwenye dhambi. Yesu alimshukuru Mungu kwa ajili yake. Yeche ni alisema, “Ninakushukuru Wewe, Baba, Mwumba wa mbingu na nchi, wewe umewaficha mambo Haya wenye hekima na akili, nawe utawafununulia Hilo watoto wachanga watakaojifunza.” Njia ya kumjua Mungu ni kuwa rahisi. Njia ya kupanda juu ni kushuka chini.

¹⁴⁸ Ncha ya kaskazini ama ya kusini iko upande gani? Unasimama angani. Unaona?

¹⁴⁹ Njia ya kwenda juu ni kushuka chini. “Yeche ajinyenyekezaye atakwezwa. Yeche ajikwezaye atadhilishwa.” Mnaona? Hatuna budi kujinyenyekeza, si kujaribu kujua mengi kupita kiasi.

¹⁵⁰ Fahamu tu jambo moja. Lenga kila kitu kiondoke njiani, ukamtazame Kristo. Kama hujui kuandika jina lako, hilo halina uhusiano wowote nalo. Ulenge tu moyo wako kwa Kristo na mapenzi Yake, na uangalie litakalotukia. Naam. Hakika.

¹⁵¹ Sasa, wengi walikuja pale na kuona, wakasema, “Yule pale nyoka mkubwa. Watu huenda pale wakaponywa, kwa kumtazama yule nyoka. Labda afadhali tuichukue familia twende kule.”

¹⁵² Unasikia mambo kama hayo siku hizi. “Yupo mponyaji mashuhuri anayekuja mjini. Na yeche, pale, sote tutaenda huko tukaponywe.” Sasa, unapowazia hivyo, bila shaka kamera yako hajjalenga sawasawa. Naam, bwana.

¹⁵³ Ilenge kwa Yesu, na Yeche pekee. Mtazamie Yeche, nawe utaona kusudi la Mungu ni nini.

¹⁵⁴ Sasa, wakati huyo Mwebrania alipokuja pale na kumtazama huyo nyoka wa shaba, na kusema, “Ile shaba, yule nyoka, inamaanisha dhambi iliyohukumiwa tayari. Shaba ni hukumu ya Kiungu juu yake, naye Mungu amezihukumu dhambi zangu.

Na—na mimi ni . . . Kwa nyoka huyu wa shaba, anawakilisha kitu fulani kitakachokuja, dhambi iliyo hukumiwa tayari. Mimi ni huru.” Yeye aliponywa. Hiyo ni kweli.

¹⁵⁵ Na leo hii, Yesu alisema katika Yohana Mtakatifu 3:14, “Kama vile Musa alivyominua yule nyoka wa shaba jangwani, vivyo hivyo Mwana wa Adamu hana budi kuinuliwa.” Laiti ungaliweza kumtazama Yeye; sio kama mtu wa kanisa, sio kama nabii, sio kama mtu mzuri tu, sio kama mtu wa tatu wa utatu, ama kitu fulani. Laiti ungeweza kumwangalia kwamba ni Imanueli, Mwenyewe, Yeye aliyeshuka na kuutoa uhai Wake. Naye aliinuliwa juu, ili kwamba, “Kila amwaminiye asipote, bali awe na Uzima wa Milele.”

¹⁵⁶ Kama unaweza kufokasi kamera yako mpaka uone hilo, na kujua iligharimu uhai wa Mungu, Mwenyewe, wakati Yeye alipoishi maisha Yake hapa. Haikumlazimu kuyatoa. Yeye aliyaweka chini, bure. Yeye alikuwa ni Mungu. Haikumbidi kufa, bali alikufa, bure, akautoa uhai Wake mwenyewe, apate kuwaleta wana Kwake, ili kazi Yake ipate kuendelea. “Kazi nizifanyazo,” Yohana 14:12, “kazi nizifanyazo, ninyi nanyi mtazifanya.” Kama mambo yangeweza kutendeka jinsi hiyo, nawe unaweza kumwona na kumwona Yeye pekee, basi utakuwa umefokasi kamera yako, unaona, kufikia mahali ambapo Mungu anaweza kukutumia. Bila shaka.

¹⁵⁷ Sasa, kama ukiiangalia tu, useme, “Ninao msalaba mdogo unaoning’inia kwenye gari langu. Nina moja nyumbani kwangu, msalaba.” Hilo ni sawa. Lakini hivyo sivyo ilivyo. Hilo silo analozungumzia.

¹⁵⁸ Huna budi kuona kwamba Mungu anajua kwamba wewe ni mwenye dhambi. Na kwamba umezungama dhambi zako, naye Mungu akaweka uovu wako juu Yake, juu ya nafsi Yake, akafanyika mtu. Yeye aliacha hali Yake, akashuka chini kutoka kuwa Mungu, ili kuwa mtu, ili aweze kufa badala yako, akajitoe kwa ajili yako. Nawe ulikiri dhambi yako. Wala si Kitakasaji cha kujitengenezea. Bali ngu—nguvu za Mungu zilizofanyika Damu, apate kuiondoa damu yako iliyo na dhambi kwa tamaa ya kujuana kimwili, na kukufanya wewe mwanamume na mwanamke huru wa Mungu. Haya basi.

¹⁵⁹ Unatazama nini? Unasema, “Loo, mimi ni mfuasi wa Assemblies of God. Mimi ni mfuasi wa United Pentecostal. Mimi ni mfuasi wa Methodisti, Baptisti.” Ungali unajilenga vibaya.

¹⁶⁰ Jilenge kwa Yesu Kristo. Amina. Lisikie jibu likirudi, “Dhambi zako zote, ambazo ni nyingi, zimesamehewa zote.” Ng’ang’a- . . .

¹⁶¹ Ng’ang’ania, kama maskini yule mwanamke Msirofoinike. Haijalishi alipata maudhi mangapi, wakati akishuka, angali alikiyekeea fokasi, kwamba huyo alikuwa ni Mungu. Ndipo

akamjia na kupata kile alichoomba, kwa kuwa alikuwa ameweka fokasi yake vizuri. Alikuwa nayo, haijalishi ni kuvuma mara ngapi kwa upepo kulikokuja, na kusema, "Siku za miujiza zimepita. Mume wako atakuacha." Hilo halikumsumbuha hata kidogo. Risasi hiyo ilienda moja kwa moja kwenye shabaha yake. Amina. Tunaweza kuweka fokasi juu ya . . .

¹⁶² [Sehemu tupu kwenye kanda—Mh.] . . . wakati. Ndipo tunamtazamia Yeye kuja, huyo ndiye anayeenda. Loo, jamani! Mnaona, huna budi kupata kusudi lake. Huna budi kujua ni kitu gani.

¹⁶³ Tazameni kwenye lango la kondoo. Kulikuwako na watu. Mungu daima amekuwa na njia kwa mwanadamu kuutafuta wokovu. Yule nyoka wa shaba, watu ilibidi wamtazame. Hiyo ni kweli. Na kwenye lango la kondoo, iliwabidi kuyatazama. Watu hao walikaa pale.

¹⁶⁴ Hebu tuwazie ilikuwa ni hospitali. Kulikuwa na wengi wagonjwa na wanaoteseka. Kulikuwako na maelfu, umati ulilala pale, kama hospitali siku hizi. Mikono ya upendo ya wapendwa wao iliwashughulikia, kama tu vile wangefanya katika hospitali siku hizi.

¹⁶⁵ Walikuwa wakingojea. Macho yao yalikuwa yakiyaangalia hayo maji. Kulikuwako na matao matano mahali palipokuwapo na lango la kondoo. Kwenye ninii . . . Ni nje ya Yerusalem, na hapo, ama lango hili. Basi alipoingia, aliangalia. Ilibidi kuwe na jambo fulani la kimbunguni likitendeka. Ndipo mara hilo la kimbunguni lilipotukia, walilikimbilia.

¹⁶⁶ Liangalie kanisa leo hii. Mungu anatutaka tuangalie la kimbunguni wakati Neno Lake linapodhihirishwa na kuthibitishwa. Sasa tunalitoroka kwa sababu halihusiani na madhehebu yetu. Mnaona?

¹⁶⁷ Kwenye lango la kondoo, waliangalia la kimbunguni likitenda kazi. Mungu daima ametenda kazi kupitia watu Wake, kupitia thibitisho la kimbunguni la ahadi Yake. Yeye aliahidi angefanya hivyo. Wakati walipoiona ahadi hiyo ikianza kutenda kazi, katika hali ya kimbunguni, waliruka moja kwa moja ndani yake na kuichukua.

¹⁶⁸ Siku hizi, hata sasa, Roho Mtakatifu, nguvu za kimbunguni za Mungu, zimo duniani, zikitenda kazi, zikionyesha mambo. Nao watu wanazikimbia, badala ya kuingia humo, Neno lililofanyika mwili na kuthibitishwa, mambo yale yale aliyofanya na kuahidi kwamba tungelifanya, anafanya mambo yale yale. Na kama halihusiani na makundi yetu, hatuna uhusiano wowote na Hilo. Hiyo ni kweli.

¹⁶⁹ Yesu alienda akampata mtu mmoja katika kanisa zima. Unasema, "Hivi Mungu huwaponya wote?" La, bwana.

¹⁷⁰ Nanyi ndugu wa Kipentekoste, hebu niwaangushie hili. Mnakutazamia kuja kwa wakati ambapo kutakuwako na watu watakaoinuka duniani, na kwenda hospitalini na kuwakomboa, na kusema hospitali nzima iondoke. Kamwe msidanganyike namna hiyo. Niaminini mimi. Aminini hilo ni uongo. Kamwe halikutendwa. Wakati Yesu...

¹⁷¹ Hebu tuseme hiyo ilikuwa ni hospitali. Yeye alilingia mle ndani kwa kuongozwa na Roho. Akapata mtu mmoja ambaye Yeye alijua alikuwa tayari. Naye akazungumza, mtu huyo. Alimwambia siri ya maisha yake, akamwambia pale.

¹⁷² Hakuwa ameshindwa kutembea. Angeweza kutembea. Mtu fulani angeweza kumshinda, mbio. Yeye alisema, "Ninapokuwa nikija, mtu mwингine hushuka mbele yangu." Mnaona? Hakuwa kipofu, wala hakuwa kiziwi, wala hakuwa bubu. Hakuwa kiwete. Alikuwa na namna fulani ya ugonjwa uliodumaa, haukuwa unaenda kumwua. Alikuwa nao miaka thelathini na minane. Naye angejaribu kushuka kule chini, ndipo mtu fulani bora kidogo kuliko yeye angeshuka aingie, ndipo nguvu za Malaika zikaondoka.

¹⁷³ Tunaenda siku hizi na kumpata mtu wa Mungu, anayeongozwa na Roho wa Mungu, anayeona ono, anaenda, anafanya jambo kama hilo, nao wanasesma, "Mbona, huyu hapa Jones, ameketi pemberi. Hebu nione ninyi waponyaji mkimponya."

¹⁷⁴ Mnamwona ibilisi yule yule wa kale, aliyemwambia Yesu, huku amefungwa kitambaa machoni Mwake? Ndipo kasema...Akampiga kichwani kwa fimbo. Na kasema... Wakabadilishana fimbo, mkono kwa mkono. Kasema, "Twambie ni nani aliyekupiga. Tutaamini Wewe ni nabii, basi."

¹⁷⁵ Mbona, kabla ulimwengu haujaanza, Yeye alijua ni nani waliokuwa na fimbo hiyo mkononi mwao. Yeye hakumfanyia mtu ye yote vitimbi. Yeye alifanya vile hasa mapenzi ya Mungu yalivyokuwa. Kanisa litafanya vile vile. Mnaona?

¹⁷⁶ Lile lango la kondoo, bali walikuwa wakitazamia jambo fulani. Walikuwa wakitazamia jambo fulani.

¹⁷⁷ Sasa, kama walisema, "Loo, vema, tutapanda twende kule juu tuone yale hao wengine wanayofanya. Tutaona kama hilo linaonekana la kimbunguni." Kamwe hawakupata kitu.

¹⁷⁸ Lakini ni yule mtu aliyelazimika kung'ang'ania, sio kuketi huko nyuma, bali mbele; yule mtu aliyengojea wito wa madhabahuni, yule mtu aliyengojea kuona jambo la kimbunguni.

¹⁷⁹ Kama vile mtu huyu hapa, mvulana wa Ndugu Williams, aliyelelewa katika familia ya Kipentekoste. Lakini, hata hivyo, wakati mmoja, akisimama kwenye mukutano ambapo baba yake alijihisi kuongozwa kumtuma, na pale jamaa huyo mdogo

akisimama pale, naye aliuona mkono wa kimbunguni wa Mungu, upesi akawa Mkristo. Alikuwa tayari kulikubali, kwa kuwa aliona kutibuliwa kwa maji. Alijua kulikuwako na jambo fulani la kimbunguni.

¹⁸⁰ Sio “kujiunga na kanisa, kupeana mikono, na milioni moja zaidi katika '44, ama kanisa jipya, jengo jipya, au kitu fulani kipy'a."

¹⁸¹ Ilikuwa ni maisha mapya, yaliyotokana na tendo la kimbunguni, walilokuwa wakilitazamia litukie. Walijua kila msimu fulani; ndipo wakashuka, nao wakangojea.

¹⁸² Sasa, ikiwa haliendelei wakati wote, nasi tuko juu ya nyumba, tukirukaruka, tunajisikia, "Vema, tutaliacha kanisa hili. Limepoa." Upuuzi jinsi gani! Jinsi ambavyo hatuwezi kungojea! Ibrahimu hakunii, ngojea...Hakuwazia Mungu alikuwa amepoa. Alingojea miaka ishirini na mitano, ndipo akaona mkono wa Mungu ukitenda kazi.

¹⁸³ Walingojea kwenye lango la kondoo, mwezi baada ya mwezi, kwa chochote kile, kwa ajili ya hilo tendo moja la kimbunguni. Lakini walilitazamia. Loo, jamani! Walikuwa wakilitazamia.

¹⁸⁴ Basi siku hizi tumepoteza ono hilo, enyi Pentekoste. Tumepoteza kitu fulani. Hebu tumtazamie Kristo. Madhehebu yetu yamejieneza mpaka yameenda mbali sana, na sasa tunapigana na kujaribu kupata makanisa mengi na makubwa zaidi, na matabaka ya juu zaidi, na wahubiri wenyewe elimu bora, na kadhalika. Basi tumepata nini? Tumeikiacha Kitu kile hasa ambacho Mungu alitwambia tukitazame. Mnatazama nini?

Tazama na uishi. Hilo ndilo hatuna budi kufanya kama tunatarajia kuishi.

¹⁸⁵ Huenda wengine waliwacheka, kasema, "Kundi hilo la watakatifu wanaojibingirisha kule chini, huko chini karibu na birika lile. Mbona, wanasesma kuna ninii...Mbona, si kitu ila upepo. Vema, upepo unashuka, unayavumisha yale maji yakarudi."

¹⁸⁶ Sio kwao. Ilikuwa ni Malaika wa rehema. Ilikuwa ni Malaika wa uponyaji. Nami ninaamini ilikuwa ni Malaika, ingawa inaonekana rahisi sana. Lakini, mnaona, Mungu hujificha katika urahisi.

¹⁸⁷ Nimewaona wakija mkutanoni, kasema, "Ndugu Branham, sikujua ulikuwa mtakatifu anayejibingirisha. Kwa sababu, nililiona kundi hilo lote likipiga mayowe, na kupaza sauti, na kuendelea wakati ulipokuwa ukihubiri, wakisema kwa sauti kuu 'amina' na kadhalika. Mbona, huo si chochote ila mhemuko." Huenda ikawa kwako wewe usiyeamini.

¹⁸⁸ Lakini, kwetu sisi ambao tumeonja mambo mazuri ya Mungu; sisi tunaojua Roho Mtakatifu ni nini!

¹⁸⁹ Unasema, “Hao watu wanaonena kwa lugha, wanapayuka tu jambo fulani. Wananinii tu... Ni kitu cha kiakili tu. Ni kujichochea tu.” Ama mtu fulani aseme... Huenda ikawa, kwako wewe.

¹⁹⁰ Lakini kwa huyo jamaa inayemshukia, ni tofauti kwake. Naam, bwana. Naam, bwana.

¹⁹¹ Unasema, “Vema, sasa, mwajua, ni siku tu ya ninii... Huo ni upuuzi ule. Kuna—kuna... Vema, watu hawataamini hilo.”

¹⁹² Hilo halitauzuia mwenendo halisi wa Mungu, hata kidogo. Yesu alikuja moja kwa moja katikati ya kutokuamini, bali kamwe halikumzuia hata kidogo. Aliendelea moja kwa moja.

¹⁹³ Watu leo hii, haidhuru wanajaribu vipi, jinsi gani wanavyojaribu kusema ni ushupavu, watu wanaendelea moja kwa moja kuliamini. Hawawezi kulielezea. Hawajui ni kitu gani. Wanajua wana fununu kwamba ni kitu gani.

¹⁹⁴ Kama vile Benjamin Franklin, akiwa na tiara mkononi mwake, alisema, “Ninayo. Ninayo. Ninayo.” Alijuwa alikuwa na kitu fulani.

¹⁹⁵ Vivyo hivyo mwanamume huyu na mwanamke, ambao huenda wasiweze kukwambia kwamba atomu ni nini, ni molekuli ngapi zilizo kwenye atomu, bali wanajua wanaye Roho Mtakatifu. Kwa sababu gani? Wamegonga kikamilifu kwa Neno la Mungu, yale Petro aliyosema kwenye siku ya Pentekoste. “Tubuni, kila mmoja wenu mkabatizwe katika Jina la Yesu Kristo kwa ondoleo la dhambi zenu, nanyi mtapokeea kipawa cha Roho Mtakatifu.” Wakati hiyo dhambi iliyotubisha inapotumbukia kwenye hiyo Damu, Damu yote, inaondolewa. Hiyo Damu huiondoa dhambi, ndipo mtu anasimama kama mwana wa Mungu. Amina.

¹⁹⁶ Ndipo amelengwa kikamilifu, “Ombeni mtakalo nanyi mtapewa.” Halafu, kwa njia moja tu ama nytingine, inaonekana unayajua mapenzi ya Mungu. Njia fulani ya kimbunguni, kuna kusonga, kitu fulani ndani yako, kinasema, “Nenda *huku ukafanye lile*. Shuka *hapa* chini *ukafanye lile*.” Mnaona, kuna kitu fulani ndani yako, sikuzote kinapiga shabaha kikamilifu jinsi kinavyopaswa kufanya. Loo, ni ajabu jinsi gani!

¹⁹⁷ Hatuna budi kufunga maana tunachelewa sana sasa. Dakika chache tu zaidi.

¹⁹⁸ Huenda watu hao walicheka, bali hilo halikuwazuia. Walingojea vile vile tu.

¹⁹⁹ Huenda watu wakasema, kanisa letu, ndugu zetu, “Ku—kupoa kwa Ujumbe,” na kadhalika.

²⁰⁰ Haujapo. Tunatazamia kutibuliwa kwa maji. Ninaangalia nione jambo fulani likitukia. Niko hapa Tucson sasa. Kwa nini? Sijui. Maji yalinileta huku chini. Ninangojea nione jambo fulani likitukia. Litatukia.

²⁰¹ Niliwaambia, nilipokuja hapa, hivi majuzi, "Jambo fulani litatukia. Kutakuwako na ngurumo ama mlipuko utakaotokea, hiyo mihuri saba itatokea." Chukueni kanda muone kama ni kweli ama si kweli. Mnaona? Loo, tunangojea kutibuliwa kwa maji.

²⁰² Tumeona kitu fulani, kimecaa nyuma, kwenye msalaba, upande wa jangwa lile kaskazini mwa Tucson. Kile tu nilichowaambia hapa, kabla hakijatukia. Nilikuwa nikizitoa maskini zile vichwa-mbuzi kutoka pale, ndipo mara tu ukatokea, na kuutikisa mlima wote. Miamba ikabingirika chini, na vitu kama hivyo. Ndipo Roho Matakatifu akageuka, akasema, "Rudi nyumbani mwako mara moja, kwa kuwa ile Mihuri Saba itafunuliwa." Chukueni kanda muone. Hiyo ni BWANA ASEMA HIVI, lilisemwa kabla halijatukia, na kila kitu. Angalieni muone kama ni Kweli, ama sivyo. Nitakapokuwa nimeondoka, hizo zingali zitaendelea kuishi.

²⁰³ Tuko kwenye wakati wa mwisho, enyi marafiki. Ninamtazamia Yesu kuja. Huyo Bwana Yesu mbarikiwa Ambaye nimempenda, na nimemtolea maisha yangu, kama kijana, ningali ninamtazamia Yeye kuja. Ninaamini atakuja. Ingawa, kama vile Ibrahim, huenda likakawia. Hata hivyo, ninapata nguvu zaidi na kumpenda zaidi, nikijieleza Kwake kila siku. Ninajua kila mwaminio humu ndani hufanya jambo lilo hilo.

²⁰⁴ Hajjalishi wengine wanasema nini, "Loo, wewe ni namba ya nyuma. Unapaswa kuninii... Sijali wasemayo.

²⁰⁵ Ningali ninamwamini Mungu. Nililiweka fokasi kwenye Neno na ninaijua Kweli hiyo. Hakuna mtu aliyewahi kunitikisa kutoka kwake bado. Mradi tu Mungu anaushikilia moyo wangu moja kwa moja kwenye hilo Neno, nitadumu hapo. Amina.

²⁰⁶ Eliya, yeye, siku moja wakati alipokuwa akitazamia kitu fulani kuja, kuwaletaa watu usaidizi, yeye alitazama. Na akatazama mpaka maskini mzee huyo, mwenye umri miaka themanini na kitu, alikuwa amechoka sana asingeweza kupanda mlima, baada ya kuwa akifunga, akiomba. Lakini Mungu akamwambia, kama wangetubu, jambo fulani lingetukia. Alikuwa akitazama nini? Alimtuma mtumishi wake huko juu, kasema, "Kwea ukatazame. Tazama. Kitu fulani kinaenda kutukia." Miaka mitatu na nusu, na hakuna mvua, si hata wingu, si hata umande kuanguka. Bali kasema, "Nenda, ukatazame." Naye Eliya ama...

²⁰⁷ Gehazi akasimama na kutazama, na kutazama na kutazama. Hakuona chochote. Akashuka akarudi. Akasema, "Sikuona chochote."

"Rudi tena." Amina. "Rudi ukakae mpaka kitakapotukia."

²⁰⁸ Ndipo Eliya anarudi...ama, ninamaanisha, Gehazi, naye anatazama na kutazama na kutazama.

²⁰⁹ Naye Eliya, maskini huyo kichwa upara ameketi hapo kwenye juu, huku masharubu yake na ndevu, ndevu nyeupe, na maskini mikono hiyo iliyokonda sana imewekwa kuyakingama magoti yake yaliyokonda. Akasema, “Bwana Mungu,” wakati akianza kuomba.

²¹⁰ Kasema, “Rudi tena sasa.” Amina. Alikuwa akifanya nini? Alikuwa akimtzamia Mungu kuishughulikia ahadi Yake, haidhuri zilionekana za shaba jinsi gani, ni hukumu kiasi gani ilio juu yake. Hiyo ni kweli.

²¹¹ Mtu fulani alisema, hivi majuzi, alisema, “Ndugu Branham, unaamini Hilo, na wewe unazungumza sana dhidi ya madhehebu ya dini. Ni kitu gani kinachokufanya ufanye hivyo?”

²¹² Nikasema, “Sina chochote dhidi ya hao ndugu katika dhehebu hilo, bali huo mfumo ndio ninaopinga.”

²¹³ Kama vile wale wanafunzi wakienda kuupaka dawa mwili wa Yesu. Huo mwili ulikuwa karibu kuoza, hiyo ni kweli, ilikuwa ni harufu mbaya mno. Lakini walikaa papo hapo pamoja nao.

²¹⁴ Hilo ni jambo lile lile leo hii, ingawa kanisa limejiingiza katika mambo ya aibu sana. Liko katika hali za kila namna. Limevunjika katika itikadi na ushika desturi na kila kitu, bali sina budi kukaa pamoja nalo. Hatuna budi kukaa hapo. Inatubidi kukaa pale kwa sababu tunalipenda. Kuna kitu fulani ndani yetu, kinachotushurutisha. Midundo kutoka moyoni mwetu inasema, “Kaeni pamoja nalo, kwa sababu kutakuwako na ufufulo siku moja, naye Mungu atachukua kutoka kwenye hilo.” Amina. Naam. Bwana Yesu wa ajabu! Vema.

²¹⁵ Tunaona, Eliya aliendelea kuangalia mpaka akaona ukubwa tu kama wa mkono wa mtu.

²¹⁶ Sasa, kutokuamini kungalishika hilo upesi sana. “Kwani hilo ndilo bora sana unaloweza kufanya?” Mnaona? “Kama hayo ndiyo yote unayoweza kufanya, vema, lirudishe.”

²¹⁷ Lakini ilikuwa ni nini? Alikuwa akitazamia ya kimbunguni. Loo, yeye alijua mkono wa Mungu ndio tu ungaliweza kufanya hilo. Basi alipouona mkono huo, Y-e-s-u, akawa na i-m-a-n-i. Naam. Ndipo alipouona, akasema, “Ninasikia sauti ya mvua nyingi.” Ilikuwa ni kitu gani? Yeeye aliikubali hatua ya kwanza.

²¹⁸ Loo, asiyeamini, asubuhi ya leo, nyinyi ambao mmechanganyikiwa kabisa katika mabatizo yenu ya maji na kila kitu kingine, acheni Roho wa Mungu ayafungue macho yenu na kuwaonyesha kitu fulani kidogo tu, ndipo muanze kutoka hapo. “Ninasikia sauti ya mvua nyingi.” Ninyi mnaoamini kanuni za imani badala ya Neno, rudini kwenye Neno, muone tu hatua ndogo ya kwanza. Imani ililikubali. “Hicho hapo kile ninachotazamia.”

²¹⁹ Tunakutazamia kule Kuja kwa Bwana. Tunamtzamama Roho Mtakatifu akishuka katika siku za mwisho. Tunatazamama

ishara na maajabu. Tunaangalia yanayoendelea. Mnaona? Hivi hamwoni? Mnatazama nini? Hilo ndilo lile hasa Mungu alilosema lingetukia. Hebu imani ilinyakue, iseme, “Ninalitaka, pia.”

²²⁰ Mwangalieni Eliya. Wakati alipolikubali, mnajua maisha yake hapana shaka yalifanywa upya. Alilishinda mbio gari la Ahabu. Alikimbia mbele ya gari, wakati asingeweza hata kukipanda kile kilima. Alikimbia mbele ya hao farasi waendao kasi. “Toeni mitungi ya mvua. Ninasikia sauti ya mvua nydingi.” Hatua ya kwanza ndogo, “Utukufu!”

²²¹ Hatua ya kwanza ndogo kwenye birika la Bethesda, walitimua mbio kuifikia. Amina.

²²² Loo, ikiwa watu hapa, kama hujampokea Roho Mtakatifu asubuhi ya leo, kama maskini mchuruzo huo wa kwanza ungesema, “Hiyo ni Kweli. Mtu huyo anasema Neno liliilo Kweli,” basi fanya hima upesi uwezavyo. Usingojee. Unatazama nini? Unangojea nini? Saa imechelewa kuliko unavyodhania. Anza kusonga kulielekea, upesi uwezavyo. Kwa nini? Wakati Eliya alipoliona hilo likisonga, ilikuwa ni ushahidi wa maombi yaliyojibowi.

²²³ Ee Mungu, laiti kila mtu aliye mgonjwa hapa asubuhi ya leo, anayemhisi Roho Mtakatifu huyu uweponi mwetu sasa, angetambua jambo hilo. Huo ni ushuhuda wa maombi uliyoomba, yamejibowi katika Uwepo wa Mungu. Kila mtu anayetaka ubatizo wa Roho Mtakatifu, kama ungehisi hisi hiyo ndogo nzuri sana, ikisema kwamba, “Ninaamini ya kwamba hiyo ni Kweli”; kama ungeweza kuchukua hilo, “Huo ni ushuhuda wa maombi yangu yaliyojibowi”; inueni mikono yenu na kusema, “Mungu, ninalipokea sasa,” jambo fulani lingetukia. Inategemea . . .

²²⁴ Mungu huzitupa ishara kote kutuzunguka, nasi tungali tunasonga mbele moja kwa moja, nje tu ya njia yake. Naam. Loo, jamani!

Eliya alijua lilikuwa ni jibu la maombi.

²²⁵ Yona alikataa kuona chochote kilichokuwa ni kinyume. Alikuwa huko chini ndani ya tumbo la nyangumi, chini ya bahari. Lakini akasema, “Hiyo haitanificha.” Akasema, “Mara nyininge tena nitaangalia kwenye hekalu Lako takatifu.” Alikuwa akitazama nini? Kwa kweli asingeweza kuliona hekalu, bali aliiiona ile ahadi iliyofanywa na hekalu.

²²⁶ Ee Mungu, laiti tungaliweza tu kuiona ile ahadi ya Neno, ambayo Kristo aliahidi, “Popote wawili au watatu wanapokusanyika katika Jina Langu, niko hapo miongan mwao. Na lolote waombalo, watapokea.” Laiti tungaliweza tu kuliona, na hatua ya kwanza, tuingie moja kwa moja ndani Yake. Usingojee muda mwingine zaidi. Unatazamia nini?

²²⁷ Mungu huyajibu maombi yako, na kuyaweka kote kukuzunguka, ndipo unasema, “Vema, sasa, hebu nione, *fulani-wa-fulani* angesema nini?” Loo, usifanye hivyo.

²²⁸ Mtazame Kristo. Tazama yale aliyosema, “Niko pale ambapo wawili au watatu wamekusanyika katika Jina Langu. Niko pale mionganoni mwao. Hebu waombe. Watapokea.” Ni ahadi ya jinsi gani, ni ahadi ya Kiungu ya jinsi gani!

Yeye alikataa kuona chochote ambacho kingemfanya atilie shaka.

²²⁹ Kama ibilisi akisema, kwa ajili yako, aseme, “Sasa, ngoja kidogo, labda usiku wa leo huenda ukapata nafuu kidogo, wakati uamsho utakapoanza.” Huenda ikawa afadhali, hilo huenda likawa ni zuri, lakini usingojee mpaka uamsho utakapoanza. Kuwa...

²³⁰ Kuwa sehemu ya uamsho sasa hivi. Mungu anataka kuuanzisha ndani yako. Mungu anataka kuuanzisha kanisani. Roho Mtakatifu atamchukua mjumbe, basi, na kuutuma Ujumbe. Mungu atauthibitisha Ujumbe huo, ishara kuu na maajabu. Mnaona? Kataa kuona chochote ambacho kingekufanya utilie shaka.

²³¹ Yona alifanya hivyo, ndipo Mungu akamkomboa kutoka kwenye tumbo la nyangumi. Hakika. Naam, bwana.

²³² Ayubu, wakati hata marafiki wake wote walikuwa wamemkataa, kila kitu kilienda kombo, Ayubu aliendelea kutazama angani. Baadhi yao wakasema, “Wewe ni mtenda dhambi kisiri. Wewe—wewe, unatazama. Ayubu, unatazama *huko* juu kwa kusudi gani? Kwa sababu tayari umefanya dhambi, Mungu tayari amethibitisha kile amekufanya. Wewe ni mtenda dhambi kisiri, Ayubu.”

²³³ Ayubu alijua yeye hakuwa mwenye dhambi. Yeye alikuwa ametimiza kila Neno hasa Mungu alilohitaji, ile dhabihu ya kuteketezwa. Hiyo sadaka ya kuteketezwa ndiyo yote aliyohitaji Mungu. Mungu alihitaji tu sadaka ya kuteketezwa, naye Ayubu alijua alikuwa ametoa sadaka ya kuteketezwa.

²³⁴ Mungu anakuuliza tu kuliamni Neno Lake. Amina. Amina. Yeye haulizi itikadi hizi zote na kanuni za imani, na kila kitu kingine. Yeye anakuumba umwamini Yeye. “Yeye aniaminiye Mimi!” Amina, na amina. “Yeye aniaminiye Mimi, kazi nizifanyazo Mimi!” “Mtazameni Yeye, enyi miisho yote ya ulimwengu, mpate kuishi.” “Ni yeye yule jana, leo, na hata milele.” Amina, na amina. Naam, bwana. Usingojee kitu kingine chochote. Tazama.

²³⁵ Ayubu alisimama na kutazama. Aliuona mwili wake, uharibifu wote. Aliona damu juu yake. Aliona majipu juu yake. Mke wake akaja. Washirika wake wa kanisa wakamwacha, na kumlaumu kwamba ni mtenda dhambi wa kisiri. Mke

wake akaja na kusema, “Unaonekana mwenye mashaka. Mbona usimkufuru Mungu ukafe mauti?”

²³⁶ Akasema, “Wewe wanena kama mwanamke mpumbavu. Bwana alitoa, Bwana ametwaa; Jina la Bwana libarikiwe.”

²³⁷ Yapata wakati huo, wakati alipodumu na Neno, basi radi ikaanza kumulika, ngurumo zikanguruma, ndipo nabii huyo akatazama kuelekea angani. Na akasema, “Najua Mkombozi wangu yu hai. Atasimama katika siku za mwisho juu ya nchi hii. Ingawa, baada ya mabuu ya ngozi kuuharibu mwili huu, hata hivyo katika mwili wangu nitamwona Mungu, Ambaye nitamwona.”

²³⁸ Angalia. Kwanza, Yeye anaitwa “Mkombozi”; pili, Yeye ni “Mungu.” “Ninajua Mkombozi wangu yu hai. Siku za mwisho, Yeye atasimama juu ya nchi. Ingawa, baada ya mabuu ya ngozi kuuharibu mwili huu, hata hivyo katika mwili wangu nitamwona Mungu, Ambaye nitamwona mimi mwenyewe. Macho yangu yatamwona, wala si mwingine.” Alipokuwa akifa, na mwili wake ukioza, wakati akiwa katika mwili, yeye alitazama mpaka akauna ule ufufuo, haleluya, na akajua ya kwamba yeye alihesabiwa katika huo, kwa sababu alikuwa ameshikilia Neno la Mungu. Tazama uishi, ndugu yangu. Amina. Aliona kusudi la Mungu lilivyokuwa, naye akalitimiza. Mungu alikuwa na kusudi, la kumjaribu Ayubu.

²³⁹ Amekuwa na sababu, kuwajaribu watu. Kila kitu kinafanya kwa kusudi fulani. Yeye anafanya jambo lile lile sasa. Anatutumia ishara na maajabu mionganii mwa watu. Anautuma Ukweli wa Injili, na kuwaacha waupuuze, kwa kanuni fulani ya imani, kuikana ile Kweli halisi na kuchukua kanuni ya imani; kulikana *Hili* na kuchukua *lile*, wakati wakijua Biblia inafundisha kinyume na hilo. Bali anafanya hivyo kwa ajili ya jaribio. Basi hakuna udhuru kwenye Siku ya Hukumu. Loo, jamani!

²⁴⁰ Angalia yaliyoahidiwa katika siku za mwisho. Katika kufunga sasa, hebu niseme hili kabla tu hatujafunga. Angalia yaliyoahidiwa katika siku za mwisho.

²⁴¹ Angalieni yale amekwisha fanya tayari katika siku hizi za mwisho. Amemmwaga Roho Mtakatifu juu ya watu Wake, akaleta Pentekoste asilia tena, akarejesha ubatizo asilia wa Roho Mtakatifu; akarejesha ubatizo asilia wa maji, akarejesha kila kitu, kurudi kwenye asili yake. Akashuka moja kwa moja, akarejesha thibitisho asilia la Kristo, kwa kutuonyesha maono na unabii ambao haukosei hata mara moja. Akashuka moja kwa moja chini, kila kitu vile vile hasa, kuonyesha ya kwamba ni zaidi ya akili ya mwanadamu. Wasingeweza kufanya hivyo. Ni Mungu.

²⁴² Angalia ile Nguzo kuu ya Moto iliyowaongoza wana wa Israeli. Mtu ye yeyote, msomi ye yeyote wa Biblia, anajua ya kwamba huyo alikuwa ni yule Malaika wa Agano, Yesu Kristo.

²⁴³ Waebrania ilisema, Waebrania mlango wa 11 ilisema, ya kwamba, "Musa aliacha Misri, akihesabu kushutumiwa kwake Kristo kuwa ni hazina kuu kuliko ile ya Misri." Mnaona? Ilikuwa ni kitu gani? Kristo nyikani.

²⁴⁴ Katika Yohana 16 ama... Samahani. Yohana 6, wakati walipokuwa wakila ushirika, ama chochote kilichokuwa, wakivunja mkate na kuwa na wakati mzuri sana huko kwenye yubile. Yesu alisema, "Mimi Ndimi Mkate wa Uzima uliotoka kwa Mungu Mbinguni. Yeye aulaye mwili Wangu yuna Uzima wa Milele, nami nitamfufua katika siku ya—siku za mwisho." Alijua angefanya jambo hilo. Alisema alikuwa Ndiye Mkate wa Uzima.

²⁴⁵ Wao walisema, "Unajifanya Mwenyewe Mungu. Unajifanya Mwenyewe..." Kasema, "Lakini, mbona, tunajua Wewe una kichaa, sasa." *Wazimu* linamaanisha "kichaa." "Tunajua Wewe una kichaa. Wewe ni Mtu asiyezidi umri wa miaka hamsini, na hapa wasema ati Wewe 'ulimwona Ibrahim?' Tunajua Wewe una wazimu. Umerukwa na akili. Wewe ni shupavu wa dini."

Akasema, "Kabla ya Ibrahimu kuwako, MIMI NIKO." Amina.

²⁴⁶ 'MIMI NIKO' ilikuwa ni nini? Ile Nuru iliyowaka moto kwenye kile kichaka. Musa alionna. Aliiangalia siku zote za maisha yake, nayo Hiyo ikamwongoza moja kwa moja hadi kwenye nchi ya ahadi.

²⁴⁷ Nuru ile ile ilishuka na ilikuwa imesimama pale. Basi akasema, "MIMI NIKO kabla ya Ibrahimu kuwako. MIMI NDIMI kile kichaka kilichowaka moto. MIMI NIKO AMBAYE NIKO, yule Malaika wa Nuru. Nilitoka kwa Mungu, na ninarudi kwa Mungu."

²⁴⁸ Siku chache baada ya ufufuo, Sauli wa Tarso alikuwa njiani kwenda Dameski, kuwatesa Wapentekoste. Basi akiwa njiani mwake akishuka kule, kulikuwako na Nuru kuu iliyoshuka, ikayapofusha macho yake. Angeweza... Hakuna mmoja wa hao wengine angaliweza kuiona Nuru hiyo, bali yeye angeionna. Ilikuwa dhahiri sana kwake hata ikayapofusha macho yake. Kasema, "Sauli, Sauli, mbona wanitesa?"

Akasema, "U Nani Wewe, Bwana?"

²⁴⁹ Akasema, "Mimi ni Yesu." Nuru ile ile iliyokuwa kwenye kichaka kilichowaka moto, Nuru iyo hiyo ilikuwa imetoka kwa Mungu kisha ikarudi kwa Mungu.

²⁵⁰ Nasi tunayo picha ya Nuru iyo hiyo mionganini mwetu leo hii, ikifanya maajabu yale yale, na miujiza ile ile, na ishara zile zile, na hata hivyo tunatazamia kitu kingine. Ukweli

wa Injili, wa kuthibitishwa kwa Neno, ubatizo huu wa Roho Mtakatifu, ubatizo katika Jina la Yesu Kristo, mambo haya tunayoyafundisha, ni Ukweli mtupu. Yanathibitishwa wapi? [Kusanyiko linasema, "Amina."—Mh.] Amina. Whiu! Ninajisikia wa kidini. Naam. Kwa nini? Kwa sababu Roho Mtakatifu yupo hapa. Sababu, kote ulimwenguni, Yeye amelithibitisha, huku na huku, pasipo kushindwa wakati mmoja. Amina.

²⁵¹ Unatazama kitu gani? Unangojea nini? A-ha. Wakati umewadia. Maji yanatibuliwa. Ingieni sasa; ishara za siku za mwisho.

²⁵² "Itakuwa Nuru wakati wa jioni," mwajua. Naam. "Itakuwa," Haywood alisema. Na hiyo ni kweli. "Njia ya Utukufuni hakika mtaipata." Naam, katika siku hizi za mwisho, mtaipata.

²⁵³ Tazama. Inategemea kile unachotazama. Tazameni yale yaliyofanyika. Ile Nguzo ya Moto, Roho Mtakatifu, Yeye ni yule yule jana, leo, na hata milele. Sasa hebu tutazame. Hebu tuamini. Hebu tufahamu ya kwamba tuko katika siku za mwisho. Tuko kwenye saa za mwisho. Na tuko kwenye dakika za mwisho za saa ya mwisho.

²⁵⁴ Ninayo sinema hii, na huenda nikamletea Ndugu Outlaw, wakati mmoja, kwa ajili ya ibada ya Jumatano usiku, niwaonyeshe hiyo, ambapo tulichukua huko Yerusalem, tukaiita *Usiku wa Manane Kasoro Dakika Tatu*. Chukua yale sayansi iliyosema.

²⁵⁵ Biblia ilisema, Yesu alisema, "Mtakapouona mtini, na miti mingine yote, ikichanua majani yao," Israeli ikirudi kama taifa. Wao ni taifa. Tunaina hiyo miti mingine: Wamethodisti wakiwa na chipukizi lao, Wabaptisti wakiwa na lao, Wakatoliki wakiwa na lao, hayo mengine yote yakiwa na yao; Wapentekoste, kupitia Oral Roberts, wakiwa na lao; hao wengine wote wakiwa na miamsho yao, ikichanua tawi lake. "Basi tambueni ya kwamba wakati umekaribia. Kizazi hiki hakitapita mpaka mambo haya yote yatimie."

²⁵⁶ Tunawaona Israeli kwenye nchi ya uenyeji wao, huku bendera yao imeinuliwa, ile nyota ya Daudi yenye ncha sita. Lina pesa zake lenyewe, taifa lake lenyewe, jeshi lake lenyewe. Lina kila kitu. Hilo—hilo ni Israeli. Ni kitu gani? Liko kule, tayari kwa kutakaswa, ambapo Mungu atawachukua wale mia moja na arobaini na nne elfu kutoka kwake.

²⁵⁷ Liangalie kanisa leo hii, liko kwenye machafuko yake, lote limechanganyikiwa na kila kitu. Linatazama, "Nasi tunao wengi mle ndani. Tuna walio bora kuliko walio nao. Sisi ni *hiki, kile, na kinginecho*."

²⁵⁸ Na pale yule Bibi-arusi anakutazamia Kuja kwa Bwana Yesu. Ambapo, ile siri, Kuja kwa siri kwa Kristo kutakuja na kumnyakua Bibi-arusi Wake usiku. Kama kitabu nilichosoma cha Romeo na Juliet, wakati mmoja, jinsi alivyokuja na ngazi

na kumchukua bibi-arusi wake kutoka mionganini mwao. Hivyo ndivyo Yesu atakavyokuja, siku moja, na kumtafuta yule asiyezitazamia kanuni zake za imani, bali anamtazamia Kristo, akimngojea Yeye aje, huku moyo wake umeimarishwa.

²⁵⁹ Wanakuja, wa Damu moja, kama vile Isaka na Rebeka, wa uhusiano wa Damu. Hivyo ndivyo tunavyopaswa kuja, uhusiano wa Damu kwa Kristo, kupitia Dhabihu, wakati dhambi zetu zinapoondolewa kwa Damu ya Yesu; si kwa yale kanisa fulani lisemayo, yale mtu mwingine asemayo; bali yale Damu imetenda, na kuthibitisha kwamba imetendeka, kwa Neno likitenda kazi kupitia kwa jambo lile lile, likiendezea huduma ile ile aliyokuwa nayo. Amina.

²⁶⁰ Mnatazamia nini, enyi kanisa? Loo, siku hizi za mwisho, loo, Yeye amekuwa moja kwa moja mionganini mwetu, enyi watu, nasi tunasahau hilo. Yeye aliketi moja kwa moja mionganini mwetu, na sisi hatukujua. Roho Mtakatifu yupo hapa asubuhi ya leo, na labda wengi wataondoka na kusahau hilo. Labda wengi ambao ni wagonjwa watasahau kuamini na kutia nanga imani yao pale pale inapopaswa kuwa sasa. Ninii ya kweli . . .

²⁶¹ Hakika birika limetibiliwa. Maji yanazungukazunguka kutoka kwa ya kawaida, yakionyesha ya kimbunguni. Roho Mtakatifu yupo hapa, akilichukua kundi la watu wa kawaida, wenyewe akili, walioketi hapa, waliovalia vizuri, wameelimika sawasawa, wakitazama. Roho Mtakatifu anawashukia, na kitu fulani kinawazungushazungusha huku na huku. Wanapiga makelele, "Utukufu kwa Mungu! Haleluya!" Kuna nini? Kule kutibiliwa kwa maji. Amina.

²⁶² Wenyewe dhambi wameketi hapo, waliorudi nyuma, makahaba, walevi, na kila kitu kingine, ni watakatifu, watauwa. Huwezi kuyanyooshea kidole maisha yao, popote pale, tangu walipompokea. Ni kitu gani? Kule kutibiliwa kwa maji. Unatazama nini? Roho Mtakatifu akishuka mionganini mwetu . . .

²⁶³ Nilikuwa nimeketi pale, muda mfupi uliopita, pamoja na Ndugu Outlaw, nikimwonyesha watu, yeche, hapa wenyewe magonjwa na kadhalika. Na lingeweza kufanywa sasa hivi, kuonyesha mambo mbalimbali ambayo yametukia maishani na kadhalika. Ni kitu gani? Ni Roho Mtakatifu, Yesu Kristo, yeche yule jana, leo, na hata milele. Tunangojea nini? Kule kutibiliwa kwa maji? Tayari yametibiliwa. Malaika ataondoka hivi karibuni sana, na nguvu zote zimekwisha, ndipo basi hakuna wokovu uliosalia. Utaachwa katika giza la nje.

²⁶⁴ Hadithi niliyosikia, siku chache zilizopita. Katika kufunga, huenda nikasema hili. Kulikuwako na mvulana aliyekuwa amefanya mauaji. Alifanya kosa fulani.

²⁶⁵ Vema, niliitwa kwenye kesi, hivi majuzi, mwajua, hii hapa Texas. Nilipata cheti kidogo kutoka kwao hivi majuzi, "Kuokoa maisha," kilisema. Tulienda huko kwa ajili ya maskini

Ayers. Yule mtu aliyeipiga ile picha ya Malaika wa Bwana, ambaye, usiku ule huko Houston, na kunikosoa na kusema kila kitu ulimwenguni kunihusu mimi. Akanitupia mikono yake, akanikumbatia, kasema, "Wazia tu, Ndugu Branham, mtu yule yule niliyesema kwamba alikuwa ni mnafi... anayepumbaza watu akili, amekuja kumwokoa mwanangu kutoka kwenye kiti cha umeme." Hiyo ni kweli. Nilizungumza pale mbele yao wote. Basi huyo gavana alifanya nini? Akaisamehe. Loo, jamani, wakati walikuwa wafe katika siku nne ama tano, baadaye. Kweli. Kwa nini? Ninajali uhai. Uzima!

²⁶⁶ Nikasema, "Bwana, huna haki ya kuyachukua maisha ya mvulana huyu. Damu ya kwanza iliyopata kumwagwa, ilikuwa ni ndugu mmoja kuimwaga ya mwingine. Alimwaga damu yake. Lakini Mungu hakuyachukua maisha yake katika adhabu ya kifo. Alitia alama juu yake, kwamba mtu yejote asimwue. Usifutile hiyo mbali." Amina, na amina. Kweli. Tunajali uhai.

²⁶⁷ Siku moja, mvulana kipenzi cha mama alikuwa amemwua mtu fulani. Alikuwa amelala pale, tayari kufa. Na kwa hiyo maskini mama huyo akasimama karibu na mlango wa gavana, nao wakaauliza humo ndani. Basi, hatimaye, pamoja na mmoja wa walinzi, kasema, "Gavana, yule mama wa yule mvulana yuko hapa nje, anakutaka. Anataka kukuona."

²⁶⁸ Ndipo walipoufungua mlango, na kusema, "Mama, atakupokea."

²⁶⁹ Maskini kitu hicho kikatambaa kwa mikono yake na magoti, mpaka miguuni pake, akaweka mikono yake... mikono yake juu ya miguu yake, na kusema, "Gavana, bwana mheshimiwa," kasema, "wewe ndiwe mtu pekee aliyesalia, ambaye anaweza kumwokoa mwanangu. Nakumba, bwana mwenye fadhili. Ninajua ana hatia. Yeye ana hatia tu. Mahakama yako ya haki yalimpata na hatia." Basi ni wangapi wetu wasio na hatia katika mahakama ya Mungu? "Mahakama yako ya haki yalimpata na hatia. Kweli aliua, naye anastahili kufa. Ninajua hilo. Lakini, bwana, kama mwanadamu, huna haki ya kuyachukua maisha ya mvulana wangu. Mungu tu ndiye anayeweza kuutoa uhai, na Mungu tu ndiye anayeweza kuuchukua uhai. Usifanye hivyo, bwana. Tafadhalii usifanye hivyo. Nakusihi, kama vile moyo wa mama ungaliweza kuvumilia." Na kwa hiyo akamwomba aondoke.

²⁷⁰ Iliuvunja moyo wake, sana, ule utetezi wa mama huyo, hata anaenda kwenye jela, gerezani ambako yule mvulana alikuwa ameketi huko nyuma gerezani.

²⁷¹ Mtu huyo alikuwa amejumbia kinyongo. Karibu tu kama vile kanisa limefanya leo hii, "Ama utalihubiri jinsi ninavyolipenda," la sivyo hatalisikia hata kidogo. "Sitasikiliza hata kidogo!" Alikuwa... basi akaketi pale. Mtu baada ya

mtu alikuwa amemjia, wakijaribu kumzungumzia. Alikuwa amejiumbia mwenyewe hata hatasikiliza tena.

²⁷² Kwa hiyo gavana akaingia. Akasema, “Mwanangu, ningetaka kuzungumza na wewe.”

Akasema, “Nyamaza na utoke hapa,” katika seli yake.

Akasema, “Mwanangu, nimekuja kukusaidia.”

Kasema, “Nilikwambia utoke hapa.”

²⁷³ Hivyo ndivyo watu wanavyomfanya Roho Mtakatifu leo hii. Naam. “Toka. Sitaki uhusiano wowote na Huyo.” Na anabisha mlangoni. “Nikifanya hivyo, itanilazimu kuachana na karamu yangu ya kadi. Itanilazimu kuacha *hiki*. Itanibidi kuachana na *kile*. Itanibidi kuachana na kanuni ya imani ya kanisa langu. Nitalazimika kuacha.” Mnaona? Afadhalii usikilize. Yeye pekee Ndiye aliye na msamaha. Hiyo ni kweli. Unaangalia nini? Unaona?

²⁷⁴ Alikuwa ameangalia vitu vingi sana, aliogopa kumwangalia mtu huyu. Aliendelea kugeuza kichwa chake.

²⁷⁵ Hivyo ndivyo watu wanavyofanya siku hizi kwenye wito wa madhabahuni. Wanageuzea kichwa chao. Hawataki kulisikia Hilo. Wangegeuzea kichwa chao kutoka kwa Mungu Yule anayewaambia, “Hilo ndilo Kweli.” Maskini Sauti ndogo sana, kama mguso.

²⁷⁶ Mnajua, Eliya, aliasikia upepo ukienda kasi, damu, moto, moshi, na haikumsumbu. Lakini wakati alipoisikia ile Sauti ndogo, alitoka. Loo, ile Sauti ndogo ambayo kanisa limeshindwa kuisikia! Kweli.

²⁷⁷ Kwa hiyo, mtu hu—hu—huyo alijaribu alivyoweza. Huyo gavana alijaribu kuzungumza na mvulana huyo. Mvulana akasema, “Utatoka hapa ama nitakutupa nje.”

²⁷⁸ Akageuka akasema, “Vema, mwanangu. Nimefanya yote niliyoweza kufanya.”

²⁷⁹ Wakati alipotoka, huyo mvulana aliangalia huku na huku, kidogo kwa majivuno, huku akitembea sebuleni.

²⁸⁰ Basi alipofanya hivyo, mmoja wa walinzi akamjia na kusema, “Gavana, ulifanikiwa?”

Akasema, “La. Asingeweza kusikiliza.”

²⁸¹ Huyo mvulana akaruka. Akashika nguzo za chuma, kasema, “Ati huyo alikuwa ni nani?”

“Huyo alikuwa ni gavana. Alikuja kwa ajili ya msamaha wako.”

²⁸² Imechelewa kupita kiasi wakati huo. Akapiga mayowe. Akalia. Akasema, “Liwazie hili. Gavana, hapa kwenye seli yangu mwenyewe, kunisamehe, nami nikamkataa.”

²⁸³ Basi walipomfunga kitanzi shingoni, kabla hawajamvalisha barakoa nyeusi, akiisha kutembea hatua zile kumi na tatu, maneno ya mwisho aliyosema, “Liwazieni. Gavana alisimama kwenye seli yangu, kwa ajili ya msamaha, nami nikamkataa.” Basi wakamnyonga.

²⁸⁴ Loo, kuna zaidi ya gavana hapa asubuhi ya leo. Yesu Kristo yupo hapa. Na maskini seli hiyo, inayoitwa mwanamumbe ama mwanamke, Yeye yupo hapa kutoa msamaha. Usininii, usimkatae. Usifanye hivyo. Tafuta kusudi la Mungu kukuleta hapa maishani.

²⁸⁵ Tuko kwenye saa muhimu sana, enyi marafiki. Mnajua hilo. Kama vile ule wimbo wa kale ulivyosema:

Mataifa yanavunjika, (Angalieni ni wakati gani.), Israeli inaamka,
Ishara ambazo Biblia ilitabiri;
Siku za Mataifa zimehesabiwa, zimekumbwa na huzuni;
“Rudini, Enyi mliotawanyika, makwenu.”

Siku ya ukombozi imekaribia,
Miyo ya watu inazimia kwa hofu;
Jazweni na Roho, taa zenu zimetengenezwa na ni safi, (Nini?)
Tazameni juu! Ukombozi wenu umekaribia.

Hiyo ni kweli.

Manabii wa uongo wanadanganya, Ukweli wa Mungu wanaukana,
Kwamba Yesu aliye Kristo ndiye Mungu wetu;

Hiyo ni kweli.

Kizazi hiki kinaukataa ufunuo wa Mungu,
Bali sisi tunatembea ambako mitume wamekanyaga.

Siku ya ukombozi imekaribia,
Miyo ya watu inazimia kwa hofu;
Jazweni na Roho, taa zenu zimetengenezwa na ni safi,
Tazameni juu! Ukombozi wenu umekaribia.

²⁸⁶ Hiyo ni kweli. Tazama juu, ndugu, yaondokee mafundisho haya yote ya sharti ya ulimwengu. Tazama juu. Mtazameni Kristo. Mtazameni Yesu, kama huo wimbo usemavyo:

Tazama uishi, ndugu yangu, ishi!
Mtazame Yesu sasa na uishi;
Imeandikwa katika Neno Lake, haleluya!
Ni kwamba tu sisi “tutazame na tuishi.”

Unatazama nini asubuhi ya leo?

Tazama na uishi, ndugu yangu, ishi!
 Mtazame Yesu sasa na uishi;
 Kwa kuwa imeandikwa katika Neno Lake,
 haleluya!
 Ni kwamba tu sisi “tutazame na tuishi.”

Mnaamini hilo? Hebu tuuimbe pamoja. Mnaujua?

Tazama uishi, ndugu yangu, ishi!
 Mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na tuishi.”

Sasa hebu tuuimbe pamoja sasa.

Loo, ishi, ndugu yangu, ishi!
 Mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na tuishi.”

²⁸⁷ Unaangalia nini? Kwa wale wanaomtazamia Yesu, mara ya pili, Yeye atakuja katika Utukufu kwa wokovu, kututoa kwenye ulimwengu huu wenyе dhambi, kutoka kwenye dhambi hii na upuuzi tuliomo. Mnaamini hilo? [Kusanyiko linasema, “Amina.”—Mh.] Tazama na uishi. Jambo pekee unaloweza kufanya ni kutazama, kulichukua Neno. Kama vile yule nyoka mtini alivyowakilisha Neno lililo hai ambalo lingefanyika mwili, kadhalika na Neno siku hizi linawakilisha Uwepo wa Roho Mtakatifu wakati tunapoliona likithibitishwa mionganoni mwetu. Yeye yuko kwenye seli yetu ndogo asubuhi ya leo. Hivi hamtamsikiliza wakati tukiviinamisha vichwa vyetu?

Endelea, ndugu.

Tazama na uishi, ndugu yangu, ishi!
 Loo, mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na tuishi.”

[Ndugu Branham anavumisha *Tazama Na Uishi*—Mh.]

Mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na tuishi.”

²⁸⁸ Wakati mmeinamisha vichwa vyenu, mtazame Yesu sasa, ndugu, Neno. Kama hujawahi kutubu, tubu. Kama hujawahi kubatizwa katika Jina la Yesu Kristo, batizwa. Una ahadi ya Mungu, kwamba utapokea Roho Mtakatifu. Huo ndio Kanisa la asili lililoanza nao, na jinsi lilivyoanza. Mungu hana kikomo. Hawezi kubadili mpango Wake. Hivyo ndivyo inavyopaswa kubaki daima. Kanisa lilianzishwa kwenye Siku ya Pentekoste, kwa toba, ubatizo katika Jina la Yesu Kristo, na ahadi ya kumpokea Roho Mtakatifu. “Ishara hizi zitafuatana na hao waaminio.”

²⁸⁹ Endapo hilo halijawahi kutokea kwako, rafiki, waweza kuinua mkono wako kwa Mungu sasa na kusema, “Ndugu Branham, niombee.” Mungu akubariki, wewe, wewe. Mungu akubariki. Vema. Mungu akubariki, wewe, wewe. Hilo ni jema. Vema.

Tazameni muishi, ndugu zangu, muishi!
 Mtazameni Yesu sasa muishi;
 Sasa, imeandikwa katika Neno, haleluya!
 Ni kwamba tu sisi “tutazame na tuishi.”

²⁹⁰ Sasa, imeandikwa hapa katika Neno. Tuko katika siku za mwisho. Hakuna kitu cha kujifanya kuhusu hili. Hakuna cha bandia, hakuna hila. Ni Neno likidihhirishwa. Ni Neno likisema Kweli. Mmekuwa—mmekuwa kwenye mikutano. Mmekuwa katika mikutano hapo kabla, nanyi mnajua ya kwamba ni Kweli.

²⁹¹ Sasa, tuna waigaji wengi sana. Tunajua hilo. Lakini msiwaangalie. Kulikuwako na umati uliochanganyikana ulioenda pamoja na Musa. Lakini, kumbukeni, kulikuwako na Wairraeli wa kweli pale ambao walienda kwenye nchi ya ahadi. Mnaona?

²⁹² Vivyo hivyo katika kundi hili, ndugu. Wapo wanaume na wanawake halisi, waliojazwa na Roho wa kweli, walio halisi, halisi, huwezi kunyoooshea kidole maisha yao. Hivi hutatazama na uishi asubuhi ya leo? Angalia mbali na waigaji. Angalia mbali na wa—wale ambao wangekuwa washupavu. Angalia mbali na hao wote ukamtazame Yesu aliye halisi. Tumeandikwa katika Neno Lake. Haleluya. “Kwa wale wanaomtazamia mara ya pili Yeye atatokea.”

²⁹³ Kama ungetaka kuja mbele madhabahuni, kusimama kwa ajili ya maombi, kama hujampokea Roho Mtakatifu; hujatimiza masharti haya, ya kitabu cha Matendo, ambayo Petro alizungumzia, nawe ungetaka kuyatimiza asubuhi ya leo. Tunapoimba kifungu kimoja zaidi, ningetaka kukualika, uje ukasimame madhabahuni kwa ajili ya maombi. Na ndipo tutafanya ubatizo, ama tutakuombea umpokee Roho Mtakatifu. Tunapoimba.

Loo, tazama na uishi, ndugu zangu, ishi!
 Mtazame Yesu sasa na uishi.

Mtu mwingine?

Imeandikwa katika Neno, haleluya!
 Ni kwamba tu sisi “tutazame na tuishi.”

Tazama na uishi, ndugu yangu, ishi!
 Loo, mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na tuishi.”

²⁹⁴ Kuna shida gani na wanawake asubuhi ya leo? Wote ni wanaume? Ni kwa nadra sana unaona hilo. Hii ndiyo saa ya uaminifu. Vema.

Tazama na uishi, ndugu yangu, ishi!
 Mtazame Yesu sasa na uishi;
 Imeandikwa katika Neno, haleluya!
 Ni kwamba tu sisi “tutazame na . . .”

²⁹⁵ Ninajisikia tu kunapaswa kuwepo na mtu mwengine. Njoni. Hawa, hawa wanaume wanne wanaosimama hapa, kuna zaidi ya hao hapa. Njoni. Mnataka kuishi? Kumbukeni, Mungu huliandika. Waliuliza, “Ni nini inabidi . . . Tufanye mini tupate kuokolewa?” Nao wakaambiwa. Sasa, Yeye hawezi kubadilisha hilo, wala kamwe halikubadilishwa, kote katika nyakati za Biblia.

²⁹⁶ Sasa tunayo mawazo mbalimbali. Tumelibadilisha sasa, loo, jamani, kila kitu. Lakini usininii, usiangalie hilo. Usiangalie yale wanayofanya sasa.

²⁹⁷ Angalia kile Yeye alichosema *Hapa*. Itazame Biblia. Wewe tazama na uishi, ndugu. Hivyo tu ndivyo unavyoweza; dada, pia. Njoo sasa, ikiwa hujaupokea ujuzi huu na kujua kwamba ni Biblia hasa, pamoja na Mungu Mwenyewe hapo, amethibitishwa. Usibahatishe hata kidogo.

²⁹⁸ Unatazama nini, asubuhi ya leo? Unatazama nini? Hivi ulisimama katika siku hii ya kutisha, yenye shughuli nyingi tunayoishi? Unatazamia nini? Mungu ameweka kila kitu.

²⁹⁹ Kule kutibiliwa kwa maji, ule msogeo mdogo wa kwanza, watu waliruka ndani.

³⁰⁰ Ile ishara ya mkono angani, Eliya alisema, “Hilo wingu, ukubwa wa mkono wa mtu, kama mvuke.” Ilikuwa ni nini? Alientelea kuamini. “Ninasikia sauti ya mvua tele.” Wingu hilo likawa mawingu mawili. Mawingu mawili yakawa kilima. Kilima kikawa mlima. Mlima ukawa mlima mwengine. Muda si muda wajua, anga late lilikuwa likinguruma, mvua ilikuwa ikinyesha. Ilikuwa ni nini? Alikubali kile Mungu alichotuma.

³⁰¹ Basi asubuhi ya leo, kama Kitu hicho kidogo kimeugusa moyo wako, na unasema, “Ninakihitaji hicho,” hicho ni ile ishara ndogo, ukubwa wa mkono wa mtu. Njoo.

Tazameni na muishi, ndugu zangu, ishini!
 Loo, mtazameni Yesu sasa na muishi;
 Loo, imeandikwa katika Neno, haleluya!
 Ni kwamba tu sisi “tutazame na tuishi.”

Na tuinamishe vichwa vyetu.

³⁰² Sijui kama ninyi ndugu hapa, baadhi yenu ndugu wahudumu, mngetembea moja kwa moja hapa chini, baadhi yenu ndugu, wawekeeni mikono hawa ndugu ambao wamekuja hapa chini, mkipenda, ndugu zangu.

³⁰³ Bwana Yesu, mtu huyu ameleta maungamo, amekuja asubuhi ya leo. Vunjilia mbali mashaka yake yote yamwondokee.

Huyu hapa mwine anakuja.

Yeye anastahili kusalimisha kila kitu kwa ajili yake.

³⁰⁴ Kadhalika, kwa huyu ndugu hapa, Bwana, jalia maungamo yake yadondoke kwenye Damu ya Yesu Kristo. Jalia ajazwe na Roho Mtakatifu. Kwamba Mungu atabadilisha jina lake, akiiegemea kwenye fimbo yake. Lakini anamhitaji Roho Mtakatifu. Amefanya maungamo yake asubuhi ya leo! . . . ? . . .

³⁰⁵ Mjaze na Roho Mtakatifu . . . ? . . . Na jalia nguvu kuu za Roho Mtakatifu zije. Amina.

³⁰⁶ Kanisa lote mkiinamisha vichwa vyenu sasa, iweni katika maombi. Hawa ndugu wanaomba sasa, na kila mtu wekeni mikono yenu juu yao na mwombe.

Huyu hapa mwine anakuja.

³⁰⁷ Bwana Yesu, juu ya maungamo ambayo anakuja kufanya leo, ninaomba, Mungu, ya kwamba Wewe utamjaza na Roho Mtakatifu, Bwana. Yeye anaangalia huko Kalvari sasa, ambako Damu ya Yesu Kristo pekee ndiyo inaweza kumsafisha. Ni Damu moja tu inayoweza kufanya mruko huo kulivuka shimo hilo. Hiyo ni Damu ya Yesu Kristo inayotiririka katika hilo shimo, na kumweka karibu na Mungu, usiku wa leo. Tujalie, Baba, kupitia Yesu Kristo. Amina.

³⁰⁸ Kila mtu katika maombi sasa, mkiweka mikono yenu juu yao, ndugu, hawa wanaume wanaosimama hapa. Ukiomba kwa moyo wako wote sasa.

³⁰⁹ Sasa, sasa umekuja kufanya maungamo yako. Mungu hawezikusema uongo.

³¹⁰ Hivyo ndivyo hasa mimi nilivyopokea, wakati nilipokuja na kusema, "Bwana Mungu, mimi ni mwaminifu kabisa. Kweli ninalimaanisha, kutoka moyoni mwangu mwote. Hii ni kati ya mauti na uzima, na mimi—mimi sitaki kufa. Na—nataka kuishi, na ni—ninataka kwenda Mbunguni. Na Wewe uliahidi."

³¹¹ Sijawahi kusikia kitu kama Pentekoste, sijawahi kusikia hiyo. Lakini, nilisema, "Katika Biblia hapa masharti yalikuwa, kulingana na Biblia hii, kwangu kutubu, na hayo ninayafanya. Nami nimebatizwa katika Jina la Yesu Kristo. Sasa, Bwana, Wewe uliniahidi Roho Mtakatifu. Uliahidi kufanya hivyo."

³¹² Sijawahi kusikia chochote kama kunena kwa lugha, kamwe sijakusoma zaidi ya hapo katika Biblia. Kamwe sikuwazia lolote. Na pale pale ikaja Nuru kote chumbani, katika umbo la msalaba, na chochote kilichokuwa juu yake kilikuwa kikinena kwa lugha. Nikasema, "Sielewi Sauti Yako, bwana, lugha Yako. Kama huwezi kuzungumza Kiingereza, na mimi sielewi lugha Yako;

kama Wewe utarudi tu na kunena tena, itakuwa ni ishara ya kwamba Wewe umenikubali.” Na hapo Hiyo ikatokea tena.

³¹³ Loo, ndugu, nilitazama nikaishi, basi. Nimekuwa nikiishi tangu wakati huo, katika milki zenyé utukufu za Mungu, ambako nguvu za Mungu zinamiminika kwa njia huru chini karibu na bubujiko la baraka Zake.

³¹⁴ Sasa hebu na tuihue mikono yetu tunaposimama, kila mmoja wetu hapa, na hawa wanaume. Sasa, ndugu, Roho Mtakatifu yupo hapa. Mwenye kusamehe yupo papa hapa karibu nawe. Hebu tuamini kwa moyo wetu wote sasa. Hebu kila mmoja aamini. Sasa hebu tumwinulie Mungu sauti zetu. Mungu awabariki.

Baba wa Mbinguni, tunaomba . . . ? . . .

Bwana Yesu, ninakuomba Wewe, ya kwamba utatujalia hili! . . . ? . . .

Bwana, jalia asikose kuliona sasa! . . . ? . . .

Tazameni na muishi, ndugu zangu, muishi!

Mtazameni Yesu sasa na muishi;

Loo, imeandikwa katika Neno la Mungu,
haleluya!

Ni kwamba tu wewe “tazama na uishi.”

Loo, “tazama na uishi.”

³¹⁵ Ninyi nyote watu wagonjwa, tazameni vivyo hivyo sasa, mtazameni Yesu.

Mtazameni Yesu sasa na muishi;

³¹⁶ Jambo ndilo hilo. Kama vile yule nyoka wa shaba. Hakukuwako na nguvu ndani ya yule nyoka, bali ni kile walichotazama. Sasa, ahadi ilisema, “Wataweka mikono juu ya wagonjwa; watapata afya.” Ninaweka mikono yangu juu yake kwa sababu ni uwakilisho, kama vile nyoka wa shaba. Jalia wantazame Yesu, huko juu, Yule aliyekufa. Yeye ni upatanisho wa jamaa zetu wagonjwa wapate kuponywa. Yeye ndiye upatanisho wa dhambi yetu. Nguvu za Mungu na zije juu ya maji haya, na kumponya kila mmoja, katika Jina la Yesu Kristo, Mwana wa Mungu.

Mtoto mchanga? Mtoto mchanga?

³¹⁷ Katika Jina la Yesu . . . ? . . . Katika Jina la Bwana Yesu . . . ? . . . Loo, katika Jina la Yesu Kristo.

Mungu akubariki sasa. Amini kwa moyo wako wote. Liamini.

Loo, tazameni na muishi, ndugu zangu, ishini!
(Unafanya hilo?)

Unamtazama Yesu sasa na kuishi;
Loo, imeandikwa katika . . .

Unakumbuka, ndugu . . . ? . . .

³¹⁸ Mnajua ni nini shida ya makanisa leo hii? Tunapata njia . . . Tu—tu—tunakata tamaa upesi mno. Eliya alikaa pale akaomba, na akaomba, na akaomba mpaka jambo fulani likatukia. Ndipo hapo alipouhisi maskini huo mchuruziko mdogo ukishuka moyoni mwake, alisema, “Ninasikia sauti ya mvua tele.” Kama wanaume na wanawake hapa ndani, wanaomtaka Kristo ama Roho Mtakatifu, wanaotaka kuponywa, kama wangekaa tu hapo na kusema, “Bwana, Wewe uliliahidi. Uliliahidi,” kisha wasikie maskini huo mchuruzo mdogo. Waseme, “Huu hapa, Bwana. Naukubali,” jambo fulani litatukia.

Loo, tazameni na muishi, ndugu zangu,
muishi!

Mtazameni Yesu sasa na . . .

³¹⁹ Inua tu mkono wako sasa. Kubali unalotaka. Yeye yuko hapa katika seli pamoja nawe. Vema.

. . . haleluya!

Vema, ndugu, naomba uje.



TAZAMA SWA63-0428
(Look)

Ujumbe huu uliohubiriwa na Ndugu William Marrion Branham, uliotolewa hapo awali katika Kiingereza Jumapili asubuhi, tarehe 28 Aprili, 1963, katika Kanisa la Jina la Yesu huko Phoenix, Arizona, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org